



KANUNI
i
LEKE DUKAGJINIT



KANUNI I LEKË DUKAGJINIT

- Kanuni i Lekë Dukagjinit, vepër e Shtjefën Gjeçovit ribotohet sipas botimit të vitit 1933 shtypur në Shkodër

LIBRI I PARË

KISHA

Artikull i parë.

PJESA QYTETNORE

KRYE I PARË

Hija e kishës, Vorret, Pronet e pasunija e Kishës, Famullitari, Rrogtari, Puntorija e Kishës

NYE I PARË

Hija e Kishës.

§. 1. Kuptimi i hijes së Kishës

Per hije kishet xehet rrethi mje ku mrrin kufini I tokës, në të cillen asht nertue:

a) Kisha b) bana (qela) e famullitarit.

§. 2. Tagari i Kishës

“Kisha ban tym në famulli.”

1.- Kisha ka tager pasunijet si per gja, si per per tokë e shpija mbrendë e jashta famullijet.

2.- Kisha ka pjesë në mal, në vrri, nd’ujë e në mulli të kujris së famullis.

3.- Kishës i duhet ba pjesë në giobë të famullis.

4.- Kisha ka tager me ble e me shitë, si edhe me marrë e me mbajtë të falunat, qi i vijnë prej bujaris së bamirve e me i vendue si t’a shofë vetë me udhë.

§. 3. Paperlimsija e Kishës.

“Kisha nuk giobitet.”

„Kisha s’ka peng me kend.“

1.- Kisha gjindet e vendosne nen sundim të të Parit të Fes e jo nen ligjë të Kanunit: prandej Kanuni s’mund ti vejë kurrnji barrë kishës, veç se ka detyrë me i dale zot, kur kjo hupë ndihmen e tij.

2.- Me bjtë ndonji kundershjim ndermjet kishës e famullis, famullia s’mund t’i lypë peng kishës; veç do të bajë vaj te i Pari i Fes – te Ipeshkvi – e gjygjit të këtij, si kasha si famullia, do t’i rrijn pa fjalë.

3.- Per çdo mungesi, qi kisha mundet me ba në sy të famullis, kishës s’mund t’i mirret gioba, vetun I vehet me la damet, qi t’jenë ba per shkak të saj.

4.- Kisha s'ep pagesa as del n'ushtri, as u qet buken djemve të Bajrakut, as shkon angari nder punë të famullis. Veç se kur famullia dan me ba ndo'i punëper me mbajtë a per me shtue pasunin e kujris së vendit, në të cilin kasha të ket pjesë, kjo, atëherë, asht në detyrë me la pare, me qitë buken e me que puntorin në punë, mbas mndyert qi famullia t'i a u ketë da të gjithve për tym.

§. 4. Ndera e Kishës.

“Kisha shpatë e konop s'ka.”

“Kush dhunon Kishën, dhunon Famullin.”

“Nderen e Kishës e lypë Famullia.”

“Kishës, mullinit, farkës e tragtores nuk i pritët kush mik.”

1.- Kush dhunon kishën ka detyrë gioben a) kishës, b) famullis, c) Flamurit (Bajrakut).- Dhunon kishën njaj, qi fjaliset, shan a i kercnohet kuej, qi rreh a vret kend në Hije të kishës.

2.- Gioben fajtorit i a merr famullia e jo kisha; pse kisha shpatë e konop s'ka

3.- Kush vritet a rrihet qa në çë farë-do mndyre koritet prej kuejt, tuj hi a tuj dalë prej hijes së kishës, marre kishës nuk i len; pse kishës si pritët kush mik.

4.- Por, me pasë me krisë pushka jashta Hijes së kishës e me i ra kush ndoren kishës, atëherë aj njifet miku i kishës; e me pasë me i a çartë kush ndoren kishës, famullia asht në detyrë me e çue nderen e saj në vend (Vinctum, si aedes ejus (Dialis Flaminis) intrierit, solvit necessum est.- Gelliuws, b. 10. c. 15.-)

NYE I DYTË

Vorret.

§: 5.- 1.- Në vorre të njij vllaznije a të njij fisi s'hin i dekuni a i vrami i vllaznis a i fisit tjetër.- Po e bani kush ket punë pa leje të vllaznis a të fisit, të cilit janë vorret, Kanuni i venë detyrë me nxjerrë të deknin prej vorrit të huej.

2.- Me ardhë me ngulë në katund nji shpi, qi s'ka vllazni as, fis, të pelqyemit të katundit, i caktohet vendi i vorrete nder të famullis, tuj i a vu detyrë me ble qira a ndo'i send tjetër per lter.

3.- Kush fjaliset, a shan e i kercnohet kuej, e kush vret a rreh kend nder vorre, bjen në giobë si per Hije të kishës.

NYE I TRETË

Pronet e Pasunit e Kishës.

§. 6. Pronet e pasunija e kishës janë të paprekshme.

1.- Pronet e pasunija e kishës janë të paprekshme e s'mundet kush me vu dorë më'to.

2.- Pronet e pasunija e kishës janë nen roje të Mesharit të kishës e të famullis.

3.- Atë, qi guxon me shty kah pronet e pasunija e kishës, e bjen në mend famullija çmon damin, qi do t'a lajë damçori.

4.- Kur ndokush t'i a baj dam kishës kahpronet e pasunija, famullija çmon damin, qi do t'a lajë damçori.

5.- Kush vjedhë gjanë e kishës, posë se do t'a kthejë at gja mbas kanunit të vendit, ku gjindet kisha, ka edhe detyrë me i la gioben kishës për nderë të marre, e gioben famullis per ndore të çartune, pse kisha asht ndorja e famullis

6.- Kur cubi e njef gabimin evet e, pa u marrë vesh dhunaq, qi i ka ba kishës, i bjen në dorë Meshtarit të Famullis, tuj i a kthye gjanë e vjedhme,

- 7.- Kur Meshtari ban be, tuj kenë se xehet per njeri i drejt e i kushtuem së Drejtës së pasosme, nuk lypet qi ai të perkasë Unjillin me dorë; por mjafton qi të shqyptojë fjalët e bes para Unjillit.
- 8.- Me ra Famulltari nen giobë s'e kapë Kanuni: asht puna e të Parit të vet.
- 9.- Po kje teper i randë faji i Meshtarit ndaj Famiullin, Meshtari do t'i shtrohet gjygit të Kanunit. I Pari dergon nji Meshtar tjeter me shtrua pengun në Kanu n'emen të Famulltarit.
- 10.- Meshtari i Famullis mundet me i u matë edhe me i ra ndokuj e me gjith këta s'i lshon marre as të rrahunit as vetë nuk bjen në fjal para Kanunit.

NYE I PESËT

Rrogtari i Kishës.

- §. 11.- 1.- Rrogtari i kishës asht lirë me punue në shtek të vet.
- 2.- Rrogtari i kishës kudo të shkojë e per çë do fjalë qi do t'i troklojë kuej te dera mbas urdhnit të zotnis së vet, aj shkon e tregon n'emen të Famulltarit.
- 3.- Me e tundre kush rrogtarin e kishës me fjalë a me punë, zehet se tundon Famulltarin, e bjen në giobë të kishës mbas Kanunit.
- 4.- Gioba, qi mirret per punë të rrogtarit të kishës, nuk i perket rrogtarit, por kishës e katundit.
- 5.- Me vra kush rrogtarin e kishës, dorëراسi per në kjoftë i Famullis së vendit, ndiqet vetem prej shpis së të vramit; por, në kjoft se asht i katundit të huej, atëher e ndjek edhe Famullija, në të cilin rrogtari kje vra.

NYE I GJASHTËT.

Punterija e Kishës.

- §. 12. – 1- Me nga kush puntorët e kishës, bjen në giobë të Famullis.
- 2.- Sado puntorë me pasë për të kenë në punë të kishës gergasi lan vetem nji giobë, por ma të randë.
- 3.- Gioba, qi merret per ngase të puntoris së kishës, dahet ndermjet kishës e puntorve.

Artikull i dytë.

PJESA NDESHKIMTARE

NYE I SHTATËT.

Amtyra e ndeshkimeve.

§. 13. Kuptimi i ndeshkimit.

Per ndeshkim kuptohet nji e keqe, qi prej pushtedit të ligjshem i pertrihet kuej per të bam.

§. 14. Të caktuemit e ndeshkimeve.

Vetem Bajraktari me krenë, e ndo'i herë edhe me të parë të kishës, ka tager me i a caktue ndeshkimin fajit të bam kundra kishës.

§. 15. Të dhanunat e ndeshkimit.

Fajtori, qi ka fye kishën, ndeshkimi i epet prej krenëve e prej vogjiliet.

§. 16. Cilltia e ndeshkimeve kundra fajtorve të kishës
Ndeshkimet, qi nepen per faje tundra kishës, janë njikëto:

- a) Të gjykuemt per dekë;
- b) Të xjerrunt prej Bajrakut me rob e robi;
- c) Të djegunt e shpis ;
- d) Të Lanunt e tokës djerr a të premt e pemve;
- e) Gioba me gja të gjalla ;
- f) Gioba me pare.

V.O. mbas kanunit gioba me pare mundet me u la me do gja, tuj dhanë okën e drithit 1 grosh, okën e rakis 5 grosh, e kan e hullis 400 grosh.

NYE I TETËT

Caktimi i ndeshkimit mbas cillsis së fajit.

§. 17.- 1.- Kush then kishën, asht i djegun e i pjekun e i qitun me rob e robi jashta Bajrakut. Fajtori – dorëyasi bahet batare prej Bajrakut, e shkon gjakhupë. Vllaznia e fisi ma i afermi i bakeqit e blen token e tij, e çmimi i saj i shkon kishës së thyeme.

2.- Kush vjedhë gjan e huej e shkon e e mshehë në kishë, pa dije të Famullitarit, i ka detyrë kishës 1000 grosh giobë per nderë të marre, e 100 desh e 1 ka giob Bajrakut, posë gjasë, qi do t'i a kthejë të zot't në mëndyrë të Kanunit.

3.- Kush të vjedhë gjanë e gjallë të kishës, më rreth kupreshin Kanuni, ka me la dy per nji, si gjithkuej.

4.- Kush të vjedhë në qelë a banë të Famullitarit, do të lajë dy per nji gjan e vjedhne, 100 grosh kishës, per nder të marre, e 100 desh e 1 ka giobë Bajrakut.

5.- Aj, qi shan a ven gojë më Meshtar të Famullis perpara popullit, ka 100 grosh giobë kishës, e 100 desh e 1 ka giobë Bajrakut.

6.- Aj, qi i kercnohet a i germushet Famullitarit, do ti laj10 desh giobë.

7,- Kush t'i shpifet Meshtarit në punë të rënd kah ndera, ka shpin e djegun e 100 desh e 1 ka giobë Bajrakut.

8.- Me vu kush dorë më Meshar, me e rrahë, me e shty a se me pshty, aj digjet e piqet e qitet jashtavendit, tuj i a lanë token bar (djerr) per disa vjet.

9.- Ai, qi vret Meshtarin, bahet batare prej Bajrakut e gjaku i hupë. Ma teper i digjet shpija, toka i lihet bar, pemët, vneshta e kopshtijet i priten e i rrenohen.

Toka e pronet e dromet e tija jesin per kishë; por vllaznija munden me i shperblye me pare.

10.- Me i folë ndokush keq, a me nga rrogtarin e kishës, aj do t'apë 10 desh giobë Bajrakut, a se edhe ma, mbas rendis së fajit.

11.- Aj qi vret Rrogtarin e kishës, po ke dorasi i katundit, i digjet shpija e i merren 100 desh e 1 ka per giobë.

12.- Me nga kush me fjalë a me punë puntorët e kishës, fajtori do të lajë gioben e 10 deshve.

13.- Aj, qi s'i vehet ndeshkimit të kishës e të Kanunit, Bajraku do të mblidhet tok te shpija e tij e do ti marr gjithshka në ket vathë.

LIBRI I DYTË

FAMILJA

KRYE I DYTË

NDERTIMI I FAMILJES.

NYE I NANDËT.

Familja e kuptueme në vedvedi..

§. 18. Percaktimi i familjes.

Familja asht një të mbledhun gjymtyrësh, të cilët gjallisnin nën një kulum, qellimi i të cillvet asht të shtuemt e gjindes për mjet të martesës, të mkanbuent e tyne kah zhdrivillimi i shtatit e kah zhvillimi i mendes e i shises.

§. 19. Pjestarët e Familjes.

Familjen e perbajn gjindja e shpis; si të shtohen këta, dahan në vllazni, vllaznija në gjini, gjinija në fise, fiset në flamur e të gjithë zbashku permbliidhen në një Familje ma të hapët, e cila quhet Kom, e kan një atme, një gjak, një gjuhë, e doke.

§. 20. Tagri, perlimi e detyra e të zot'it të shpis.

Mbas Kanunit, sundimi i shpis i perket ma të vjetrit nën kulm të shpis a se vllaut të parë; po s'paten ato veti, që duhen për me krye këto zyre si e lyp detyra, atbotë zgjidhet kuvendisht prej shpjakve njëj, që të jet ma i meqem, i urtë e ma kujdestar.

Zot shpije mundet m'u ba edhe njëri i pamartuem.

I zoti i shpis ka tager:

- 1) me ndejë në krye të vendit në shpi të vet, edhe pse gjinden ma të vjerer se ky në shpi;
- 2) mbi armët e veta, edhe njëqind qese në bashin; mbi kal të shalës; mbi shtrojë e mblojë të veten; mbi veglat e kafes, e këto sende as kunaja e dahes s'i pershin;
- 3) mbi fitime të gjindes së shpis, të rrogës a të falmeve;
- 4) me ble, me shitë e me ndrrue tokë, si arë, livadhe, xana (ograja), prozhme, rendin e vadës gja të gjalla e remet;
- 5) me dhanë e me merrë uha e me hi dorzanë;
- 6) me ndreqë shpija, ksolla vithna, etj;
- 7) me çue në punë a në shtek gjinden e shpis;
- 8) me çue gjinden e shpis për puntorë uha a edhe fjal;
- 9) mbi venë e raki, a me ble a me shitë a me dhanë uha;
- 10) me ndeshkue gjinden e shpis, kur kur mos të hecin si e lypë e mara e shpis.

Ndeshkimet janë njëkëto:

- a) Me lanë pa hanger
- b) Me u hjekun armët e krahit a të brezit për një a dy javë;
- c) Me lidhë a me burgosun në shpi;
- d) Kryekcyemin me e da shpijet me pjesë, që i perket, për me shporrë shnerzimin e rrezikun.

10) Me hi dorëzanë kush i shpis përtej se i ban arma; me shitë, me ble a me

ndrrue gja pa leje të zot't të shpis, ka tager mos mu pergjegjë, se Kanuja s'e xen per të zakonshme as të shitmen, as të blemen as të ndrruemen e as dorëzanin këso dore, e çdo send a gja do të shkembet, se a'ba pa leje të zot't të shpis.

§. 21. Perlumi e detyra e të zot't të shpis.

- 1) Mu perkujdesë per të marët e gjindes e të shpis;
- 2) Me mbajt në fre gjinden e shpis të mos t'i sjellin ndo'i dam a rrenim;
- 3) Me pri ma i pari në punë qi i perkasin vehtjes së tij;
- 4) Me mbajtë sy mbi tokët, të mos të jesin djerr; mbi tufë të gjas s'gjallë, të mos praptohet e mara e sajë;
- 5) Me punue me mend e urti merenda e jashta shpijet e të mos t'a çoj rrenimi e fika shpin;
- 6) M'u perkujdesë per veshë e mbathë të gjindes së shpis prej fitimeve të shpis;
- 7) Me mbajtë udhen e drejtsis në shpi, e mos me i a mbajtë krahin ma teper njanitt se tjetrit;
- 8) M'u ble armët djelmvet, kur të shofë se janë ba per to.

§. 22. Tagri i së zojës së shpis.

E zoja e shpis ka tager:

- 1) Mbi të gjitha sendet, qi bahen në shpi;
- 2) Me dhanë a me lypë uha miell, bukë, krypë, djath, e tlyen ;
- 3) Me i urdhnuet grat e shpis, me i çue per ujë, per dru, m'u çue bukë puntorvet, me ujët (me vaditë), me bajtë pleh, me korrë e me mihë a me qirue.

§. 23. Perelimi i zojës së shpis.

E zoja e shpis ka:

- 1) Me ba gati mjesditen e darken, me zie, me ndreqë tryezen e me da haenat;
- 2) Me i a vu menden bylmetit të mos të shkoj dam ;
- 3) Mos me shitë, a me ble a me ndrrue gja pa leje të zot't të shpis. E zoja e shpis s'gatuen, s'shkon per ujë, s'ban dru, as pleh, as me ujët as me korrë a me qirue, as bukë m'u çue puntorvet;
- 4) Me shikue drejtsin në të ndrequn të gjindes e të fmive të shpis; mos me i a mbajtë krahin kuej ma teper se tjetrit;
- 5) E zoja e shpis do të përkujdeset per fmi, sa të jen në punë grat.

§. 24. Tagri i gjindes së ships.

Gjindja e ships ka tager:

- 1) Me hjekë të zo'n e ships per në pashin se nuk punon per të marët e shpis a i çon kah fika;
- 2) Me hjekë të zojen e shpis, per n'u raftë per sysh se bracon, a shet gja tinëz – edhe nji kokerr voejt me kenë – a n'u mbajtë krahin fmivt të vet ma teper se të tjervet.
- 3) Mbi armët e veta seicili; munden me shitë, me ndrrue, a me lanë peng, porse s'kan tager me lypë tjetren në shpi;
- 4) Mbi qe ka tager bulku, qi i nget: me i ndimue kuej a uha a falë pa pasë nevojë per leje të zot't të shpis;
- 5) Mbi tuf dhensh ka tager bariu, qi i ruen; i zoti i shpis s'ka tager me i u perzie në ket zyre; para se të shes gja a të prese ndo'i kambë berri, bariut do t'i thotë, e

ky e din se çë fare berri a lope asht per t'u hjekë.

§. 25. Perlimi i gjindes së ships asht:

- 1) Mos me hi dorzanë pa leje të zot't të shpis ;
- 2) Munden me hi dorëzanë edhe pa e pvetë të zo'n e shpis, porse per aq, sa u ban arma, se kjo asht e vehtëja;
- 3) Nuk munden me i shkue kuej per puntorë pa leje të zot't të shpis
- 4) Nuk munden me shit as me ble as me ndrrue gja;
- 5) Gjindja e ships nuk munden me mundshtue të zo'n e shpis në punët e shpis a të krahit;
- 6) Me ndigiuë, e me shkue gjithkund t'urdhnoje i zoti i ships;
- 7) Kuj t'i a njese gishtin i zoti i shpis me dal n'ushtri, do të dale;
- 8) Granija janë në detyrë me punue per shpi; po u teproj koha, si të lirohen prej punve të shpis, munden me ba punë doret të vetat.

NYE I DHETËT.

Familja e kuptueme në Katund e në Flamur.

§. 26. Tagri i Familjes.

- 1) Ka tager e za në kuvend të katundit;
- 2) Ka tager në pjesë të giobës së katundit;
- 3) Ka tager në kujri të katundit;
- 4) Ka tager me marr më ndore kedo;
- 5) Ka tager me pri me unë zjarmi e me spatë në të djegun të një shpije në fis të vet;
- 6) Ka tager me pri gjobtarvetnë vathë të fisit të vet;
- 7) Me ra më ndo'i faj të randë shpja, per të cilin i shkon ndeshkimi i unës së zjarmit e i spatës, as katundi as Flamuri s'mund vej dorë më rrenim pa pri vet fajtori.

§. 27. Perlimi i Familjes.

a) në Katund:

- 1) I zoti i shpis do të pergjegjet per çdo dam, qi t'bajn kuej gjindja;
- 2) Do të dalë në kuvend gjith sa herë të mblidhet katundi;
- 3) Do të çojë puntorin në punë, qi ka katundi rrethas;

b) në Flamur:

- 1) Do të dalë në kuvend të Flamurit kur të thirren "Burrë per shpi" ;
- 2) Do të pergjigjet rrethas me katund per "dy hae bukë" djemvet të Flamurit ;
- 3) Do të lajë 400 grosh giobë Derës së Gjomarkut per çdo vrasë ;
- 4) Do të dalë n'ushtri të Flamurit.

LIBRI I TRETË

MARTESA

NYE I NJIMBDHETËT

Percaktimi e mëndyrët e Martesës.

§. 28. Percaktimi i Martesës në Kanun.

M'u martue më kanun do'me thanë m'u ba shpi, me i a shtue shpis nji rob ma teper, sa per krah të punve, sa per të shtuem të fmive.

§. 29. Mëndyrat e Martesës.

- a) Martesa me kunorë, e pelqyeme kah Feja e kanuja e Lekës
- b) Gruja e mbajtne mbi kunorë, kundra Fejet e kanujet të Lekës;
- c) Gruja e vajza e grabitme, e jasht-zakonshme kah Feja e kanuja;
- d) Martesa me provë kundra Fejet e kanuiet.

NYE I DYMBDHETËT.

Tagari i djalit e i vajzës.

§. 30. Tagri i djalit.

"Djali ka tager me mendue per martes të vet, po s'pat prind".

Djali sa të ket prind s'ka tager :

- a) me mendue per martesë të vet;
- b) me shenjue shkuesin
- c) m'u perzie në fejesë të vet;
- d) as në shej, as në petka, as në këpucë, e as në të prem fejet.

§. 31. Tagri vajzës.

Vajza, edhe në mos pasët prindt, ajo s'ka tager me mendue per Martes të vet, tagri asht në dorë të vllazenve a të kusherijve.

Vajza s'ka tager:

- a) me zgjedhë fatin e vet; do të shkojë per ate, per të cilin t'a fejojn;
- b) m'u perzie në shkuesi as në fejesë;
- c) as në këpucë as në petka.

NYE I TREMBDHETËT.

Detyrët e burrit e të grues.

§. 32. Detyrët e burrit ndaj gruen.

Burri a'në detyrë:

- a) me u perkujdesë per veshë e mathë e per gjithshka të lyprt per me mbajtë jeten;
- b) me ruejtë nderen e grues e mos me e lanë me u ankue per kurrnji nevojë.

§. 33. Detyrët e grues ndaj burrin.

Grueja a'në detyrë:

- a) me i a ruejtë nderen burrit;
- b) me i rroque pa zhibla;
- c) me i ndejë nen sundim;
- d) m'u pergjegjë detyrve të kunorës;
- e) me rritë e me mkambë fmin me nderë;

- f) me i ndejë gadi me të veshmen e të mathmen (kah e qepmja);
- g) mos me iu perzie në fejes të të bijve e të të bijave.

§. 34. Tagri i grues së vejë.

Grueja ka tager me lypë prej burrit të mbajtmen, e veshen e mathen.

NYE I KATERMBDHETËT.

Tagri i burrit të vejë e i grues së vejë.

§. 35. Tagri i burrit të vejë.

Burri i vejë, po s'pat prind, ka tager me folë vetë per martesë të vet, (porse burri i Malevet të Shqypnisw s'e ban ket punë, edhe në dijtë se do t'jesë pa u martue; dokja asht me qitë një tjetër qi të flasë per te perkah martesë).

§. 36. Tagri i grues së vejë.

"Grueja e vejë flet vetë. – Grueja e vejë i kthen krushqit m'udhë".

Grueja e vejë ka tager:

- a) me folë vetë kah martesë;
- b) me zgjidhë per fat ate, qi t'i pelqejë per sy;
- c) me da me gisht shkuesin, qi t'ia bie shejin.

KRYE I TRETË.

SHKUESIJA . FEJESA

NYE I PESËMBDHETËT.

Shkuesija.

§. 37. Percaktimi i shkuesit.

Shkues thirret njaj, i cili rreket m'u fjalë-mirë a te prindja e vajzës, qi të marrin a të napin vajzen per at djalë.

§. 38. Tagri e perlimi i Shkuesit.

1. Shkuesi asht ndermjetsi te dhandrri e te nusja (te djali e te vajza), të mos të luejn fjalet as njana as tjetra lagje.
2. Shkuesi ka tager mbi 50 grosh të shkuesit, per kpucë, të preme prej kanuje.
3. Kpucët e shkuesit e kan vaden në ditë qi të mirret nusja.
4. Shkuesin e gjen a shpija e vajzës a shpija e djalit.
5. Kpucët e shkuesit i ban gjith-herë shpija e dhandrrit, edhe ne e shenjoft shkuesin shpija e nuses.
6. Shkuesi ka tager me folë sa per prindt e vajzës, ashtu edhe per prindt e djalit.
7. Perlimi i shkuesit asht me hecë per të marrun vesht, per me çue paret me t'a'n a të vllan e dhandrrit te prindja e vajzës.
8. Shkuesi ka tager m'u perzie në çdo punë ndermjet prindës së djalit e të vazës, mje në ditë të martesës.

NYE I GJASHTËMBDHETËT.

Fejesa

§. 39. Të ndaluemt e martesës në Kanun.

Në fejesë varzash do të shikjohet:

- a) Të mos jetë gjak e gjini;
- b) Të mos jetë të njëj fisit;
- c) Të mos të jetë mesë fisit të djalit, qi do me e nxanë;
- d) Të mos të jetë grueja e lshume;
- e) Të mos të ketë kumari:

- 1) në të peshuem në derë të Kishës;
- 2) në kunorë;
- 3) në të marrun të flokvet;
- 4) të mos të jetë vllaznue me gjak të pim.

Kanuja s'e ban fejesen e martesën, kur të ndermjetson ndalimet e naltpermenduna, edhe në katerqind breza me kenë (me gabue kush kundra këtyne ndalimeve, fisi i vet e giobitë, e qillon qi edhe shpin i a djegë).

Në fejesë të lirë asht kanu qi të shkoje shkuesi e i ati - a i vllaj - i djalit te prindja e vajzës, per me çue shejin në natë të dame.

Të himit n'anë, shkuesi do të perpushë zjarmin, para se të lypë vajzen; si t'a perpush zjarmin, flet. Si të ketë hanger darkë, i ati i dhandrrit do t'i apë shkuesit në dorë si paret, si shejin. Shkuesi si të njehë paret më qethit, do të çohet më kambë, e lshon në dorë të t'et të vajzes si paret, si shejin.

§. 40. “ Nuse pa shkuesi s'bahet”.

Vajza e grabitne a e hikne, me gjetë burrë, nuk mund të stoliset si nuse; do të shkojë vajzënisht – me petka vajzënijet – per arsye, qi u muer e shkoi jasht kanujet pa shkues.

NYE I SHTATËMBDHETËT.

Sheji.

“Sheji, mje ke të hjekish dorë, t'a ban nierin t'andin”.

§. 41. Percaktimi i Shejit.

Sheji perbahet prej një unaze të remët a t'argjanët (tash vonë), se arit s'i dihet fija nder malci t'ona. “Unaza e dhetë grosh” janë me kanun. Sheji as ndrrohet as kthehet per të gjallët t'atij, qi e xen vajzen. Me shej perdorohet vajza, e, po duelen fjalet, prindja e vajzës shpis së dhandrrit i kan një gjak.

§. 42. Tagri i djalit per me lshue vajzen e zanun.

Njatë herë kur t'i teket djalit, asht i lirë me lshue vajzen e xanun, porse sheji e gjithsa pare të ket la per vajzë i hupin; arsyeja asht: “kush e lshon vajzen nder unazë, kanuja a ban gjobë hem shejin hem paret sa të ket la per te.” Para se ta lshojë vajzen djali, do të bajë me dije shkuesin e ky me dy shokë të katundit të djalit do të shkojë te prindja e vajzës, e nder sy të dy shokve të katundit të vajzës, u kallxon, se djali, qi e pat xanë vajzen e tyne, a'tue hjekë dorë, e janë lirë me ë martue njëti.

§. 43. Vajza nen unazë nuk ka tager me lshue djalin.

Vajza e xanun nuk mundet me e lshue djalin edhe në mos e pasët per sy. Po s'ndegjoi vajza me shkue m'at fat, qi e ka xanë, e edhe prindja i perkrahen së bis, kjo s'mund të martohet ma per të gjallët e dhandrrit me tjeterkend.

Prindja e vajzës janë detyrë me i a kthye shpis së dhandrrit mje në ma të mbramin dysh, qi kan la per at vajzë.

Sheji e dhetë grosht e kanus, qi i janë çue vajzës kur u xu, do të jesin n'arkë të sajë deri ditën e dekës së dhandrrit; e të dije si vajza, si djali, si prindja se aj dhandrrit; e të dije si vajza, si djali, si prindja se aj shej s'i len me luejtë.

Kah kanuja, vajza jet e lidhun, e veç me leje të dhandrrit qi e pat xanë e per në hjekët dorë ky, se s'mund të martohet, e s'a'kanun qi të shkojë tjeterkush me e lypë, si të dijë se gjindet e pengueme.

Edhe po e muer tjetër grue dhandrri vajza e xanun prej tij jet e lidhun se e lidhun.

Me dekë të dhandrrit, kanuja e liron vajzen, e, po desht, mundet të martohet per arsye qi "me dekë të dhandrrit, sheji xehet i hupun".

Po s'nigjoi vajza me shkue m'at fat, qi e pat xanë, edhe me perdhuni do t'ia apin atij, qi e ka xanë me "Fishek më shinë"; e per n'i raftë per sy vajza tue hikun, ky e vret me fishek të prindës së saj, e gjaku i vajzës shkon hupës, per arsye qi me fishek të tyne e vrau.

NYE I TETËMBDHETËT.

"E premja e Fes". – Dita më shej.

§. 44. Percaktimi i "Fes së preme."

"Me pre Fen" do' me thanë me da ditën e vaden e kputme se kur me nisë krushqt per me marrë nusen.

Si t'i "pritet feja" vajzës, tuj kenë ditë më shej, krushqt do të nisen at ditë as kanuja s'e shtyn, as ban qi të shtyhet.

Krushqt do të shkojn me marrë nusen at ditë, edhe me dijt se a'tuj dekë nusja, zhagas e rrshanas do t'a çojnë në shpi të dhandrrit.

Krushqve s'u ndalet udha, edhe me pasë të dekmin në shpi, prindja e dhandrrit e prindja e vajzës.

I dekni në shpi, krushqt do të nisen; nusja hinë në shpi, I dekni del shpijet.

Andej të vajtohet, këndej të këndohet. (Kjo thtohet per me diftue se as deka ket ditë s'mund t'i ndal krushqt, se me këndue nuk këndohet.)

NYE I NANDBËMBDHETËT.

Çmimi, qi nepej e nepet per gra.

Çmimi, qi nepej per varza a gra, tash 50 vjetë e andej, perbahej prej 50, 100, 200 mije 400 groshësh.

Çmimi i kanus së vonë perbahet prej 1500 groshve, aq sa ban gjaku i grues.

NYE I NJIZETËT.

Trshigimi I grues Shqyptare.

Grueja shqyptare farë trashigimit s'ka te prindja, as më plang, as në shpi, - kanuja e xen gruen si një tepricë në shpi.

Prindja s'mendon per pajë as per kurrnji send per vajzë të vet; qi e xen do t'i a

baje kujdesin.

Prindja e djalit, qi e xun vajzen do të mendojn per gjith shka duhet per martesë të saj.

KRYE I KATERT

DARSMA

NYE I NJIZETEPARË.

Gatimi i darsmes në Kanun.

§. 45. Per darssem do të gatohen:

- a) Kau i darsmes do të qesë 100 okë mish e vjamë;
- b) Nji barrë miell kallamoqit;
- c) 4 babune grunë – miell grunit;
- d) 12 okë sheqer;
- e) 8 okë oriz;
- f) 4 okë mjalët;
- g) 10 okë djathë
- h) 2 okë tlyen;
- i) 3 okë voj të butë;
- j) 70 okë raki.

V.O. heret në vend të rakis ishte vena.

§. 46. Në darssem të Kanus hijn:

- a) 12 Krushq e 13 Krushka;
- b) Thirca;
- c) Strafuleca;
- d) Sherbtorë;
- e) Kcimatare;
- f) Desharët;
- g) Kangë vallesh;
- h) Dhandrri e Nusja;
- i) Dy dishmitarë (Kumarët e Kunorës);
- j) Kunora.

§. 47. Detyra e të zot't të Darsmes.

Kater javë para para darsmet i ati i dhandrrit a i zoti i shpis do të shkojë vetë me krye me thirrë krushqit.

Ma para thirren krushqit miq, mandej krushqit shokë.

§. 48. “Asht kanum, qi mikut t’i shkohet në darssem me dash.”

Desh do të çojn:

- a) Nipa e sternipa, edhe në djep me kenë e ama do t’a ket dashin per per doret e djepinmë shpinë;
- b) I ungji i dhandrrit.

§. 49. Rendi kur do të shkohet në darsëm.

- a) T'Ejten shkojn bijat e nipat;
- b) Të Premten mbrama shkojn Thirrca, Strufulleca, Magjatore, Ujatore, Deshtarët, e Krushqit miq.
Deshtarët, të mrrijmit n'oborr të dhandrrit, do të qesin ka'i pushkë per krye.
- c) Të Shtunden nadje shkojnë Krushqit shokë.
Të Shtunden, si të nisen Krushqit, do të therret gjengji i darsmes.

NYE I NJIZETEDYTË

Prija e Krushqvet.

§ 50. "Prirjen e kryshqve e lype e pvetë e veç atij qi i perketse s'kã burrë, qi munde të prijë".

Asht e rrebët kjo kanu.

Prija e krushqve s'luhet as ndrrohet.

Me bame hetue i zoti i darsmes, e me me shenjue per krushk të parë ate, të cilit s'i shkon prija e krushqis, posë qi bjen në gjobe, edhe krushkaparin, qi aj e shenjoji, kanuja s'i a xen.

Krushkapari s'mundet me kenë:

a) Mik, por shoq i katundit të dhandrrit;

b) Nuk do t'jet prej vllaznije a fisit të dhandrrit, por prej fisit tjeter.

Krushkaparin kanuja s'e shikon per dukë, por të cilit I perket prija, e edhe fmi e shemtim per sy me kenë, shpija e dhandrrit do ta pelqeje.

§ 51. Vargu i krushqve m'udhë.

Rreshti i krushqve kur të nisen me marr nusen, e tuj u kthye me te, mbas kanunit ashtu është njek.

- I. - Krushkapari, shoq, prin
- II. - Krushku mik
- III. - Krushku shoq
- IV. - Krushku mik
- V. - Krushku shoq
- VI. - Krushku mik
- VII. - Krushku shoq
- VIII. - Krushku mik
- IX. - Krushku shoq
- X. - Krushku mik
- XI. - Krushku shoq
- XII. - Krushku shoq me dash per doret.
- XIII. - Krushka tuj e reshtë dashin.

Ma i mbrami do të shojë i ati a i vllaj i dhandrrit me kal per doret.
Krushqit, tue u nisë per nuse, do të qesin ka një pushkë per krye n'oborr të dhandrrit.

NYE I NJIZETETRETETË

"Krushqit pa e me nuse, e percjells a me të deknin, s'mund t'i kalojn kuj per derë, posë me kenë shteku a udha e katunit a udha e madhe".

§.52. Udhen e katundit e udhen e madhe, s'ka burrë qi mund t'i a ndalue kuej, edhe me kenë se i kalon para derës së ships.

Aty, ku kalon nieri, kalon edhe bagëtija, kalon i gjalli, e kalohet me të deknin. M'u rrenim m'udhë të madhe, zhyt e mbyt, aty do të kaloj shtektari e bagëtija, nusja me krushq, e përcjellsa me të deknin.

Zameja e të zot't lypet – pa ndryshim – per me i kalue rrazë shpijet, e ky mundet me lirue shtekun, porse me fjalë, të mos i jesë aty udhë, e të mos i bahet ndera dhunë.

Me ba me u trimnue kush, a krushqit a percjellësat me të deknin, me i kalue per derë, kanuja e ep me i këthye dalë, per arsye qi shtekun e shpis e të pronvet të veta e ka per vedi e jo per udhë të madhe.

Me qillue se shtyhen me besat (forkade), ka ndollë, qi janë ba shokë të deknit, e nuses i a vu futa më krye.

NYE I NJIZETEKATERT.

“Krushku i vendit t'ia lshojë udhen krushkut mik”.

Krushqit m'udhë, tue shkue per nuse s'mund të qesin pushkë, e kanuaj ven leçi mos me i ngue kush.

Shtektarët, çfarëdo kambet e nderjet të jenë, qi ndeshen me krushq, do të shmangin udhen sa të kalojn krushqit.

Krushku i vendit do t'i a lshojë udhen krushkut mik; kjo asht kanu detyret e burrnijet, qi e kan pasë malet t'ona që se mbahet në mend.

Mu ndeshë me krushq miq në katund a në Flamur t'em, kanuja më ven detyrm'u shmangë me krushqt e mi, sa të kalojnë krushqt miq.

Mu ndeshë dy lagje krushq në katund a në Flamur të huej, kanu detyret asht të shmangen sa njana sa tjetra lagje, e të ndahen me nderë e pa fjalë.

NYE I NJIZETEPESËT.

“Krushku – krushk, Miku – mik”

§.53. Kanuja S'na ven leçi mos me nga mikun më shpi t'onë.

”Krushku a'krushk“ e kanuja na len shtekun të lirë me e nga, edhepse na xen caranin e votres. – Me nga krushkun s'i quhet kuej për marre.

Qe arsyeja:

Krushqit vijn dhe biejn me vedi mish, meze, raki (venë) paret e së bujtmes e tjera; kah kanuja krushqit han buken e vet në shpi t'eme.

§.54. Krushqit do biejn me vedi:

1. – Dashin 12 okësh rrumull; po erdh mengut, i ati i nuses ka tager me ngushtue Krushkaparin qi të blejë'i dash tjetër si e lypë kanuja;
2. – Në ditë krezhmijet do të biejn 8 okë peshk të that;
3. – Djathë 2 okë;
4. – Venë 8 okë;
5. – Raki 2 okë;
6. – 12 grosh pare të s'bujtmes; - këto pare janë per bukë, qi u qet krushqve shpija e nuses okë e grosh;
7. – Djalit, qi u del krushqve përpara 5 grosh;
8. – Grues, qi e vesh nusen 5 grosh;

9. – 10 grosh ungjittë vajzës- vllaut të s'amës.

a) Krushqt vijn si grabitçarë e si një tubë cubash at natë, për me ra për e me marrë nierin si rob të xanun, e s'vijn si miq;

b) Edhe i zoti i shpis, pra, e ka shtekun çilë me i ngucatë², m'u ra prej tuj u ndalë armët, e peng me të s'mund të qesin, se kanuja s'jau gjegjë vajin.

§.55. Darsma në shpi të nuses.

Në shpi, prej së cilës del nusja, s'a'kanun me kndue, as me qitë pushkë.

Krushqt edhe në mrrishin heret në katund të nuses, s'a'kanu m'u nisë kah shpija, pa prendue dielli e pa u muzgë.

Një holli kaut larg'shpis së nuses, një prej shokësh të katundit të nuses, i cili s'do të jet as gjak as fis me nusen, do t'u dalë përpara krushqve.

Krushqt, tuj mrrijtë n'oborr të nuses do të qesin ka një pushkë për krye, ashtu edhe kur të dalin m'u nisë me nusen.

Krushkapari vetem flet, krushqt tjerë s'akanu qi të flasin, posë n'u thirrët a n'u pvetët kush me emen.

Krushqt me krushken do të hajn bukë zbashkut më njitryezë; s'a'kanu me i da dyzash.

Si të kryhet buka, do të lshojn dasmorët dhantit për nusen mbi bukë të pathyememë tryezë.

Dhantia perbahet prejnjë groshit për krye, s'a'kanu me dhanë as ma teper as mengut.

KRYE I PESËT.

KANUNI I DHANDRRIS.

NYE I NJIZETEGJASHTËT.

“Me dekë dhandrri, prindja e nuses janë në detyrë me i a kthye gjysen e çmimit shpis së dhandrrit”.

§56. Tagri i shpis së dhandrrit e detyra e mikut.

Me dekë dhandrri pa e marrë nusen, mikut i jet në dorë Sheji (unaza) e dhetë grosh të kanus, se paret tjera do t'i a kthejë prindës së dhandrrit deri në ma të mbramin dysh.

U martue dhandrri e veç një natë e kaloi me nusen e diq, gjysen e çmimit do t'i a kthejë miku prindës së dhandrrit.

Me dekë dhandrri n'at vjetë qiu martue, gjysen se gjysen e çmimit i a kthen miku i prindës së dhandrrit. Me dekë dhandrri në krye të dy vjetve mbas marteset, dy pjesë të çmimit miku i ndal për veti, të treten i a kthen prindës së dhandrrit.

Me dekë dhandrri edhe vjetin e dytë, por tuj lan fmi në cara të votres, miku s'i a ka farë detyret prindës së dhandrrit, për arsye qi bija i a la shpin të perzieme e çmimin i a lau me fmi qi i a la në plang.

Me dekë dhandrri në krye të tri vjetve, prindës së këtij s'i jet gja me marrë te miku, për arsye qi bija e ktij a bani rrogen në derë.

NYE I NJIZETESHTATËT.

Deka e nuses.

§.57. Tagri i prindës së nuses.

Me dekë nusja në krye të tri vjetve mbas marteset, pa lanë fmi në plang të burrit, prindja e kësaj kan tager me marrë petkat e rrgjanet, porse arka me dry me një palë petka do të jesin ke prindja e burrit.

Me dekë gruja, tuj lanë një djalë a vajzë te burri, prindja e kësaj kanë tager mbi rrgjanet e frytit, se tjera sende do të jesin në shpi të burrit.

NYE I NJIZETETETETËT.

„Gruja s’bjen në gjak“ – „Grueja lshon më gjak prinden“

Njimend se mbas kanunit t’onë „gjaku shkon per gisht“, porse kjo kanu s’e pershin gruen, per arsye, qi „Grueja s’bjen në gjak“ edhe me qillue se vret kend. Me vra grueja burrin e vet a kedo, prindja e kësaj do t’apin arsye per at gjak.

Burri e blen mundin e të jetuemt e grues, por jo jeten e saj.

Me gjetë gja gruen per faj të burrit, prindja e kësaj i lypin arsye më kanu.

Me rrahë burri gruen, nuk bie në faj kah kanuja, e as prindja s’mund t’a kerkojn të rrahmen.

Me plyrë burri gruen, e po bani vaj kjo ke prindt, burri do t’u apë arsye.

Me mbytë grueja burrin, e m’u çue i kunati me vra të kunaten, pse i a vrau të vllan, kjo s’asht e perligjme më kanun. – Gjaku i grues s’bahet krahas me gjak të burrit; pra, tepricen e gjakut të burrit do t’a perligjin prindja e grues.

Sikurse janë në detyrë prindja me dhanë arsye per çdo punë të ligë qi të bajë në derë të burrit a kuejdo bija e tyne, ashtu çmimin e gjakut të saj.

NYE I NJIZETENANDËT.

„Grueja asht shakull per me bajt“.

Grueja njifet si një calikë per me bajtë sa të jetë në derë të burrit, se prindja se hjekin dorë prej sojet, e ndalin per vedi e mbi vedi të të pergjegjmen per te, por edhe me lypë arsye, me ba me gjetë gja.

NYE I TRIDHETËT.

Grueja e vejë.

Grueja, qi mbet e vejë e pa fmi, tuj u da me shpi të burrit, petkat, qi pat pru si nuse e arken me dry i merr me vedi.

Grueja e re, qi mbetet e vejë, por me fmi, po desht me ndejë në plang të burrit me fmi, do të dorzanitet me dy lagje dorzanë: dy dorzanë do të jenë të katundit ku mbet e vejë, se s’ka me pasë kush punë me te, e se s’do t’i a korisin emnin prindës as burrit të dekun; dy tjerë do të qes prindja a kushrinja e saj se s’do t’a dajn prej fmive, veç në lypët vet m’u da e m’u marte.

Grueja, qi mbet pa burrë e pa fmi, e, pse e shtyme në vjetë, i lutet prindes me e lanënë plang të burrit, s’guxon me e trazue kush prej vllaznis a fisit të burrit.

Grueja e vejë e pa djelm per në pasët varza të martueme, ka tager me ndejë e me jetue në plang të burrit. Mundet me shkue edhe ke prindët a ke ndonjana bijë e martueme me gjallit, e toka e burrit do t’l qes bukën e gojës – tri barrë drithë per vjet deri në dekë.

Po u marte grueja e vejë, atbotë rrnesën e vet e gjen te burri i dytë, se toka e burrit të parë s’qet bimë ma per të.

NYE I TRIDHETEPARË.

Theku i prem.
(Me lshue gruen)

Po s'u pru grueja si duhet te burri, kanuja i nep leje me i pre thekun a flokun e me lshue.

Kunora jet, e as burri as grueja nuk mund të martohen për të gjallët.

Po u qortue grueja, mbas të lutmes së dashamirve, qillon qi burri e merr perseri. Per dy punë e ka fishekun në shpinë grueja e per një punë i pritët theku e lshohet.

a) per kurvni;

b) per mik të prem.

Per këto dy punë të pabesijet i shoqi e vret të shoqen, e rrin pa ndore, pa besë e pa kenë i ndjekun për gjak, se prindja e nuses së vrame marrin çmimin e gjakut, e këtij do t'i napolin fishekun e do t'i qesin dorëzanët.

Per bracni a cubni burri e lshon gruen porse tjetër dhunë s'ka tager me i ba grues.

Grueja, qi lshohet, tuj dalë shpijet të burrit, kurrnji send s'ka tager me marrë me vedi posë petkash, qi ka në shtat. I hupin petkat grues së lshueme, perse çmimi, qi ka pasë la burri per të, i jet ke prindt.

Me pasë djalë prej gjiut grueja e lshueme, i shoqi, edhe pse e din kathedret, asht në detyrë me i a shenjue një vend rreth plangut të vet, me i a dhanë djalin e me mbajtë me vesh e me mathë e me bukë.

NYE I TRIDHETEDYTË.

Grueja e pa-kunorë.

Aj, qi të marrë gruen pa kunorë, jet i lidhun kah Feja edhe kah kanuja.

Grueja e pa-kunorë farë tagrit s'ka në shpi të burrit.

Kanuja i nep këto ndeshkime burrit, qi merr grue të pa kunorë:

a) shpija i digjet e toka i jet djerr;

b) xirret prej vendit, e s'mund t'a shklasë token e vet mje qi t'a largojë gruen e mbajtne pa kunorë;

c) në pasët fmi me grue të pa kunorë, njehen të pa-ligjë e prandej s'mund të bahen kurr perkaes (trashigues).

KRYE I GJASHTËT.

PRINDJA. (Baba – Nana – Djelmt)

NYE I TRIDHETETRETË.

Baba – Burri.

§.58. Tagri I burrit mbi gruen.

Burri ka tager:

a) me kshillue e me qortue gruen;

b) b) me rrahë e me lidhë gruen e vet, kùr të mbrrijë me i a perbuzë fjalën e urdhnit.

§.59. Tagri i babës mbi të bijt.

Baba kà tager:

§.454. "Kapari t'a bân gjân fanden, porsé do të lajshë shka të jesish pertej".

§.455. Po dhae një a njëqind grosh kapâr, ti jé i zoti i gjâs së kaparueme.

§.456. "Kapari i mârrun një herë, nuk kthehet mâ".

§.457. Si t'epet kapari, njëqind blesë me dalë, shitsi nuk mûnd të luej mâ.

§.458. Po u pendue blesi, edhë njëqind grosh kapâr me pasë dhaAnë, i hupin.

§.459. Me bâ me u rrëjtë shitsi, tuj i a shitë tjeterkuej gjân e kaparueme, pse i dha mâ teper ai ~jetri, tregu âsht i pallgshëm.

§.460. Po hîni puna nder Pleq e pëgje, kanûni e bân shitsin qi t'a stermârrë' g.I*ânë e fi a apë atij, qi e pat kaparuë.

§.461. Me bâ me i rà moh shitsi, sè nuk kà mârre kapâr, e dhânsi nuk kà dishmitâr, kanûni e çon në bê: po bani bê., kapari hupë.

§.462. Gjaja e bleme me qyshke, po duel e metë, i kthehet të zot't.

§.463. Gjaja, qi blehet me frigë mos âsht e vjedhun, po i duel zoti mbasi u blé, blesi i çon të aj, qi i a shiti e çmimin qi pat dhânë per at gjâ, do t'i a kthejë shitsi i gjâs së vjedhun. Parimi i kanûnit âsht: "Kudo qi t'a gjejë gjân e vet i zoti, e mërr".

NYE I SHTATËDIESHTATËT.
Tregu i tokës.

www.kilikos.com

§.464. Para sè të shitet ndo'i tokë, a rendi i vadës, a rendi i mullinit, do t'u çohet të dera kushrijve, vllaznis e fisit.

§.465. "Kufijari blén token e kufijarit, po s'e bleu kushrinija, vllaznija e fisi."

§.466. Po s'e blén të permendurit e as kufijari, i zoti âsht i lir me i a shitë cilitdo në katund.

§.467. Po s'e bleu as katundi, atbotë jé i lirë me i a shitë çdo blesit.
Oroe.

Gadi kurr nuk kà ndollë nder Malsi t'ona, qi âsht shitë ndo'i tokë a mullî a rendi i vadës jashta katundit. Po s'e xën kryet kushrinija, fisi e kufijari per me blé at tokë a mullî a rendin e ujit, katundi do të shitet e të pershitet e nuk bân qi ti blejë i largti e tu hîjë nder hundë.

§.468. Po u çue kush edhë shiti token, mullinin a rendin e ujit, pà jau leçitë kushrijve, vllaznis, fisit a kufijarit, tregu âsht i paligjshëm kah kanûja.

§.469. Të permendunt kân tager me bâ qi të shkmehet aj treg.

§.470. Blesi nuk mûnd të bajë fjalë, tuj e dijtë sè bleu jasht udhet, por do t'i mârre të hollat e veta.

§.471. Po thà blesi, sè i a kà vù két oroe shitsit para sè t'a blete token e edhè e vertetoi két pùnë me dorë në bé, shitsi permbas randsis së fajit do të giobitet, porsé tregu i tokës jët sè jët i paligjshem e do të shkmehet.

§.472. Vllau i dâm e kushrinija e ngiatë e blén token 100 grosh mâ lirë sè vllaznija e fisi i largtë. (Dukagjini, Shala, Shoshi etj. 500 grosh mâ lirë a ep t'afermit sè të largtit.)

§.473. Toka e shitun me qyshke: Un po t'a shes két tokë sot, por neser, t'u mbush mendja ty m'e stershitun, nuk münd t'i a epush tjeterkuej, per pà m'a prû mue persri të dera.

§.474. Ky qyshk e lidhë blesin e nuk münd t'i a shesë tjeterkuei, per pà i a çue të dera shitsit të parë.

§.475. Po u shit toka pà qyshke të permenduna, blesi âsht i lir me e shitë atëherë kùr ti mbushet mendja.

§.476. Tokës së shitun e muffinit a rendit t'ujit kanû âsht m'u pî rakin.

§.477. Rakin do t'a qesë aj, qi blén.

NYE I SHTATËDHETETËT.
Tregu i armve e i kalit.

§.478. "Pushka e kali e kân kûj mbë kûj ".

§.479. Po bleve armen, e të thà shitsi: "E bajshë me nderë!", e e vore në krrabë me dorë t'ande, të mbetë në derë, edhè n'i a gjetsht ndo'i gand mbrapa.

§.480. Arma blehet gjithherë e mbushun.

§.481. Po bleve kâl, e lidhe në kûj me dorë t'ande, solle shpinen e gjete cofët, dâmi âsht i yti, të zot't do ti epen të hollat.

§.482. Kali blehet gjithherë me kapister.

§.483. Po bleve nji kà a lopë etj. me shke: po duel kjo gjâ e kelbazët mjé ditën e Shen.

NYE I SHTATËDHENANDËT.
Çmime në kanu.

§484. Mbas kanûnit:

1. Plangu a trolli i shpis bân 500 grosh.
2. Nj i copë tokë, qi qet 100 grosh dobi..." 500 " "Njiqind grosh dobi pësëqind grosh tokë".
3. Penda e dheut: per mbas toket, per detyrë xêhet në të randë.
4. Shortja e zabelit, rendi i mullinit e i ujit: si të jët vendi.
5. Ullini i mirë...100

6. Lisi per lândë a per trën.... bân deri 23 "
7. Barra e drithit "grosh e okë ".... bân 100"
8. Rêmet xêhen në të randë: Kâzani... 500 "
9. Kusija 15 okshe...100
10. Tepsija e mirë... bân 50 grosh.
11. Oka e leshit të pàlam...5
12. Oka e kmendës...3
13. Pashi i zhgûnit të shkelun...20
14. Zgjoni i bletës me mizë....50
15. Oka e mjaltës...5
16. Oka e dyllit..5
17. Oka e vënës...1
18. Oka e rakis së rrushit ...5
19. Oka e djathit ...5
20. Oka e tlyenit të pashkrim..10
21. Oka e tlyenit të shkrim...15
22. Oka e mishit ...3
23. Oka e mishit të thiut të thatë...10
24. Oka e kafes ...9
25. Oka e sânes ... bân 10 pare.
26. Nji parë opanga... bâjn 5 grosh.
27. Delja a dhija ... bân 50
28. Kingji a edhi... 20
29. Dashi a skjapi per ogiç kumbone ...100
30. Viçi sà të lëjë ...50
31. Mzati ...200
32. Kau i hullis ...400
33. Lopa barrës ... bân 300 grosh.
34. Kali i barrës ... " 590 "
35. Mushku bân 1000 mjé në 1500 "
36. Gomari ... bân 300 "
37. Thiu bân 50 mjé në 100 "
38. Thiu i mbajtun bân 500 "
39. Huta (Martina)... " 500 "
40. Pistole të bardha (të ngrime) bâjn 100 "

NYE I TETËDHETETËT.

Udhëtari i paguem.

§.485. "bân rrugë, mërr rrogë. - kali me qira kà Ikuren mbë trà".

§.486. Udhtar thirret aj, i cilli bân rrugë per rrogë per nji pûnë të huejen.

§.487. Udhtari nuk shkon me ndore të derguesit, âsht ndorja e vetvedit.

§.488. Po e gjet gjâ në rrugé udhtarin, nuk i pritët mik derguesit.

§.489. Udhtari si edhë shkuesi bâjn rrugë per kpucë e me bukë të vet, prandej s'jânë ndorja e kuej.

§.490. Po duet udhtari fill prej shpis së vet, edhë e vrau kush, nuk i pritët mik as shpis, qi e dergoi per pûnë e as shpis, së cillës i dergohet.

§.491. Po duel udhtari prej shpis, qi e dergon a prej shpis, së cillës i kje dergue, e po e gjet gjâ me bukë të tyne, u pritet mik, si mbas Kanûnit.

NYE I TETËDHETEPARË.

“Gja çdo gja”.

§.492. Kanûja e hershme - si edhë e kohve të vona në shumë rasë nuk kâ pasë njoftë çmime të hollash e detyrët laheshin me "gjâ çdo gjâ".

§.493. Kanûja nuk bân qi të ngushtohet kush me i là me çmim të hollash:

- a) dâmet,
- b) gjoben,
- c) gjaqet.

§.494. Po bani dâm kush me gjâ n'arë, në kopshtë, në vështë a në livadh, i zoti i gjâs do t'a ndreqë të damtuemin me bîmë per bîmë të damtueme.

§.495. Po rà kush në giobë të katundit a të Flamurit, globa lahet me gabti: me lopë, qe e desh e jo me çmim të hollash.

§.496. Po vrau kush kend, gjaku lahet me "gjâ çdo gjâ": me bagti, me tokë e me armë. Sado qi në këto kohë të vona per gjak do të late dorërasit të holla, por edhë armë.

§.497. Gioba e vrasës lahet me "gjâ çdo gjâ", si edhë gioba e fajeve të randa faqe katundit a Flamurit, si per trathiti, per mik të prém e tjera.

§.498. Ma e ulga giobë mbrrin mié në një dash e mâ e nalta nuk mûnd të kalojë mbi njëqind desh.

LIBRI I GJASHTËT

TË DHANUNAT

NYE I TETDHETEDYTË.

Uhaja.

§.499. Kanûja e malevet nuk njef uhà me shtojca fitimesh (Fajde).

§.500. Kanûja njef uhà të fjeshtë: sà të dhaçë ké me më dhânë.

§.501. Per me shndoshë pûnen e uhas e per me largue çdo dyshim pabesije per uhà të dhânun, mûnd të mirret pengu.

§.502. Pengu perbahet prej njëj sendi, qi të két çmim a sà uhaja e dhânun, a edhë mâ teper.

§.503. Pengu, qi mirret per uhà të dhânun, mûnd të xêhet si "Peng hupës".

§.504. Pengu i hupun xêhet atêherë, kûr aj, qi mêrr uhà, i lidhet uhasit a me prû

uhàn në ditë të caktueme, a me lânë pengun, qi të hupë.

§.505. Uhaja e prûme në ditë të caktueme e shperblen pengun.

§.506. Po s'u prû uhaja në ditë të caktueme e nuk erdh mârrsi me u pà me uhasin, ky kà tager me shitë pengun e me xjerrë uhàn e vet.

§.507. Dita e caktueme viion mié në prenim të diellit e uhasi do t'a presë detyrsin një në prenim të diellit, po s'erdh, pengu i shitet.

§.508. Shka t'i dalë teper uhas së dhânsit prej pengut të shitun, do t'i a dorzojë të zot't të pengut.

Oroe.

Mbas parimeve të permenduna e mbas kallximît të burrave të lashët, Shqyptarët e hershëm të Malevet Vona nuk kàn pasë diejtë as me dhânë as me mârrë uhat me shtojca fitimesh, ky ves i mbrapshtë fôrt vonë do të két hi.

NYE I TETDHETETRETË.

Vadja.

§.509. Vadja e uhave âsht një kohë e caktueme, në të cillen detyrsi do t'i a çoië të zot't uhàn e mârrun.

§.510. Uhaj a mûnd t'epet me besë e burrni, me dorzâni a edhë vetem tuj e shndrrue me peng. Mbi pëgje shif. Liber IV, Nye LXXXII, "Uhaja", £56.

KRYE I GJASHTMBDHETËT.

E FOLMJA, E FALMJA

NYE I TETËDHETEKATERT.

E Folmja.

"E folmja âsht në fund të kuletës".

§.511. E folmia âsht prëmtimi i njëj sendi, qi i bân kush kuej per një mûnd, qi do të hjekë.

§.512. E folmja premtohet: per një pleqni, per një udhtim a shtegtim, per pajtlim të gjakut, per shkuesi a per mjek.

§.513. E folmja perbahet prej një çmimi, qi mûnd të mbrijë një në 500 grosh.

§.514. E folmja premtohet edhë pà eper mendë caktimin e çmimit me të holla, b.fj. Ke një parë opanga të holla, per në m'a marosh két a at pûnë. Opangat e holla kàn çmim 10,20 një 25 grosh. Opangat e trasha prej 50, 100 një në 500 grosh. Oka e kafes prej 50 një në 500 grosh. Oka e kafes kokerr xêhet e caktueme per 9 grosh.

§.515. Po s'e ndreqi pûnen plaku, udhtari, shkuesi etj., të folmet nuk epen, as kanûja s'i a gjegjë vajin per pûnë të pakryeme.

§.516. Si t'a ndreqë pûnen, shka t'i kët folë kush kuej, do t'i apë, sepsé "E folmja âsht në fund të kuletës".

NYE I TETËDHETEPESËT.

E Falmja.

"Fala, s'të fala. Kanuja s'e kapë".

§.517. Po i thae kuej, sè don me i a falë kët a at send, e rnbrapa e hângre fjalën t'ande, me "fala, s't'a fala", kanûja nuk të nget me peng e me plak.

§.518. Je i lir me mbajtë burrnin fande, jé i lir me u shburrnue.

§.519. Kanûja thotë: Ftyren e vrugnueme në daç laje, në daç zezoje edhè mâ

LIBRI I SHTATËT

FJALA E GOJËS

NYE I TETËDHETEGJASHTËT.

Fjala.

"Fiala mort sbân ". - "Shtriga në giak nuk bien". - "Goia s'qet kend në giak".

§.520. Gjuha âsht tulit e gjithshka bluen.

§.521. Fjala e gojës s'ême hîn në vesh të tjetrit, e i treti e perdoron per rrênim të kuej, un rri e tallem.

§.522. Fjala e ême në shkaktofët vrasë të pergjegjme un rri e zgerdhihern, nuk mûnd të më kapë kush per pûnë të liga, qi shkakttoi goja e ême.

§.523. Aj, qi shkon tuj mjellë e tuj hapë fjalë të kqija e gergasa herë per njânin herë per tjetrin, me gojë të kanûnit thirret "Argat i keq". - "As e thrret kush në pûnë, as i nep kush rrogë.

§.524. A fola a s'fola, goja nuk vûlosë gjâ. - Fjalët e sterkgive kanûja s'i mërr para sysh.

Oroe:

Shenjimin e fuqin e fjalës së folun në hov të vrasës e shka don me thànë "Fjala peng", me kohë do të zhvillohen.

NYE I TETËDHETESHTATËT.

Mohi.

§.525. Mohues thirret aj, i cilli nuk i vëhet zhgarkimit as shpifjes, kje per ndo'i dâm, per vjedhni a per ndo'i vrasë, etj.

§.526. Të germushunat e kercnimet prej njij hamendje kanûja s'i bân. - Mohuesit nuk mûnd t'i hypet në qafë qi të lajë, pasë e pasë, per çdo zhgarkim e shpifje.

§. 527. Mohuesi vetem atbotë bjen në faj, kûr ky mos të duej me ardhë n'arsye.

§. 528. Zhgarkuesi e shpifsi e bjen n'arsye mohuesin me Pleq e me peng.

NYE I TETËDHETETETËT.

Beja.

"Perte bën nuk shlyhet mllefi".

"Bë, e s'kà pertej".

"Beja làn gjaqe".

"Gjanë e djerrun e gjaqet e hupûna i vên per udhë beja".

"A bën, a gjân".

§.529. Beja âsht një sjellje besimtare, për mjet së cillës nieri, tuj dashtë me dalë së keq prej një zhgarkimi të dhûnshem, do të perkasë me dorë një shëj besimi, tuj e grishë êmnin e Perendisë në dishmi të së vertetës.

§.530. Kjo dorë beje âsht e pelqyeme prej kanûnit të Malevet të Shqypnis si për të dliurun prej zhgarkimesh, si edhe për të lidhun bese.

§.531. Ben nëgojësh kanûja as s'e pelqen, as s'e tumirë, e për të dliurun prej zhgarkimesh lypet doemës që të bahet beja mbë një shëj besimi e të perkitet me dorë.

§.532. Bej a e Shqyptarit kà dy pûnë para sysh: a) thrrret Perendin në dishmi të së vertetës, b) i nënshtrohet randimit të ndeshkimevet të perjetshme e giobës së kohshme kah kanûja.

NYE I TETËDHETENANDËT.

Beja mbë "Gur" e beja mbë Kryq e mb'Ungjill.

§.533. Beja e Malevet të Shqypnis âsht dy mndyrësh: a) beja mbë "gûr", me Kanû (3), b) beja mbë Kryq a mb'Ungjill.

§.534. Beja mbë "gûr" kah kanûja âsht nder mâ të randat e mâ të mndershmet bé, që njëf Shqyptari i Malevet.

§.535. Kanû âsht që, po desht me u dliurë prei një zhgarkimi mohuesi, do të bajë bé a mbë "gûr", a mbë Kryq e Ungjill.

§.536. Betarë a Poronikë njehen disà "dorë bejet", që do të perkasin Ungiillin, e disà tjerë lehen për me ndigiuë bën në Kishë. (Dukagjini).

§.537. Bët mbë "gûr" bahen:

a) për me u dliurë prej një zhgarkimi;

b) për me u lidhë me besë kundra hieksive e trathtive të vendit,

c) për me ndëjë gati me u bâ ball kerçnimeve e rreziqeve të perbashkta.

NYE I NANDËDHETËT.

Kush do t'a bajë ben.

§.538. "bân e hup, thotë kanûja e jo bân e mêrr".

§.539. Bén do t'a bajë aj, i cilli i bjen moh zhgarkimit.

§.540. "Mohi kà bén," - "Mohuesit i bjen beja".

§.541. Zhgarkuesit s'i epet beja e nuk i bjen beja, edhëpse ndoshta e kà pà me sy batkeqin a tuj vjedhë a tuj vrà.

§.542. Arsyeya e kanûnit âsht të mos t'i epet beja atij, qi kjahet, pse, ké s'i a priton zhgarkimit, s'kishte me i a pritue as bés, veç t'i dalë me mârre.

§.543. Të parit i lêhet të shofë bén e të dytit të baj bén.

§.544. Kanûni thotë: "Beja nuk mërr" e "Mârrsit s'i bjen beja

§.545. Porse, tuj kënë sè, mbas parimit të kanûnit: "Cubi âsht me bé mbë krah", si per me i a shndoshë zëmren të zot't të gjàs së hupun, si per me i a mbledhë pêjt të pandehunit, kanûja kà lânë qi t'i njifet beja me Pornoikë.

§.546. S'i epet as s'i gjegjet beja atij, që don me là vendin pà Poronikë, sepsé "Uku e lpîn misht e vet, por të huejin e hân".

§.547. Parimi i kanûnit âsht: "Védin me e là me bé e s'i gjegjesh kuej".

NYE I NANDËDHETEPARË.

"Beja merr gjan e vet".

§.548. Pak rasë jânë, nder të cillat kanûja e kà pà me udhë me lânë qi të "mârre beja".

§.549. Per gjà në shëj të hupun prej atij, në dorë të cillit u gjet e qi mûnd të dishmojn edhë tjerët, sè âsht e atij, qi e lypë.

§.550. Edhë n'i rafët moh aj, të cillit u giet në dorë gjaja me shëj, kanûja s'i a xên e beja s'i epet.

§.551. Po s'u gjegj me i a dhânë gjianë të zot't, zoti do të bajë bén sè âsht gjaja e tij e gjaja do t'i epet.

§.552. Po kjau kush ndo'i detyrë a uhà mbë të dekunin, per të cillat s'din a don me i hupë prîndja e të dekunit, tuj i rà moh, parimi i kanûnit âsht "Mohin per të dekun kanûja s'e xên".

§.553. Edhë në két rasë "Beja mërr", d.m.th. sè zhgarkuesi do të bajë bé.

§.554. Per çdo ankesë, qi të bahet mbi të dekun, bej a do të bahet mbi vorr të tij.

§.555. Në ditë të dâme si zhgarkuesi si prîndja e të dekunit do të gjinden të vorri i të dekunit, mbi të cillin kjahet uhaja a detyra.

§.556. Zhgarkuesi do të mârre gurë e dhé prej vorrit të të dekunit, do ti vëjë mbë cupë të krahit e do të siellet tri heresh rreth vorrit të të dekunit, tuj folë këto fjalë të caktueme per këso bësh:

"Un... kaq e kaq uhà a detyrë kjàj mbi kët të dekun e, në kjosha tuj i u zhgarkue, e bajsha në kët e n'at jetë me gùr edhè gjithkah kah kà shkelë kamba e til sà kje gjallë."

§.557. Si të bajë kët bé zhgarkuesi, uhàn a detyren, qi kjàn mbë të dekunin, do t'a lajn prîndja e tij.

NYE I NANDËDHETEDYTË.

"Beja per derë".

§.558. Kanûja e kà lânë shtegun të lir qi t'epet beja edhè per derë.

§.559. Në bé per derë do të betohet i zoti i shpis n'emen të vet e n'emen të giindes së shpis.

§.560. Me bé per derë i zoti i giàs së hupun nuk kà tager me vû në bé edhè giinden shpis, 'si t'i bajë bën i zoti i shpis n'emen të tyne.

§.561. Prej çdo beje granija e fmija jânë të jashtëm prej kanûnit.

§.562. Aj, qi ep bé per derë, kà tager me lânë per bé me Porotë at shpi, mbë të cillen i kjàn zëmra mâ fôrt.

§.563. Po e veçoi një shpi i zoti i giàs së hupun, per me i dhânë bé me Porotë, do të veçojë edhè sà shpi tjera në katund, qi kàn me i u dashtë per poronikë, sè në dy bé nuk mùnd të çojë kend.

§.564. Edhè në bé, qi epet per derë, do të bahet beja per vedi, per gjinden e shpis e per "Sedije".

NYE I NANDËDHETETRETË.

"Beja në krye të djemvet".

§.565. Beja, qi bahet në krye të djelmvet, njehet nder bé të randa, edhè âsht e ligjshme kah kanûja.

§.566. Po i u lyp kuej beja në krye të djelmvet, do t'a bajë e do t'i a shndoshë zëmren zhgarkuesit.

§.567. Si t'a dajn ditën e bés, zhgarkue si do të shkoj të shpija e të pandehunit, e ky, sà djelm mashkuj të kët nen kulm, i mbledhë tubë, u afron krenat, i pshtetë duert mbi krenat e tyne e an bën: "Pasha kryet e djelmvet, nuk t'a kam bâ at rreng, per të cillin më jé beditë e as nuk diej sè kush t'a kà bâ!"

§.568. Pertë ksaj beje shgarkuesi nuk kà tager me rrekë të pandehunin me bé tjera.

NYE I NANDËDHETEKATERT.

"Beja me "Sedije".

§.569. "Maja e bés, âsht "sedija" (s'e dija).

§.570. "Beia t'a nief edhè "sediiën".

§.571. "Beia s'kà skâj, por s'rebân perbishtnime".

§.572. Sedija âsht nji mjet, qi kanûja e kà vû per parim, per me i a rrudhë pëjt katundit, qi mos të bahet kush hjekës i gjâs së shoqnis a të kuej do.

§.573. Sedija lypet pà ndryhsim në çdo bé.

§.574. Edhepsé s'vodh as vrau aj., qi bân bé, por ndoshta kà ndie a edhë din sè vodh a vrau i vllaj a kushrîni a kush tjetër.

§.575. Kur të bahet beja, do të thotë: "as vetë, as kush i shpis s'ême e s'diej sè kush të vodh a të vrau".

§.576. Prandej kà vû Poroten kanûja, qi, tuj shkue në bé gjith aj nieri, mos njani, tjetri e i treti mûnd të diej ndo'i send kû prej të ndiemit a prej të pâmit të njij shêji, e sè nuk do t'a shesin shpirtin, tuj e là me bé të rrêjshme nji nieri.

§.577. Si të bahet beja me "sedlje", s'kà tager kush me i u beditë mâ per at viedhni a gjak të hupun as të pandehunit e as Porotës. Do të shkojë njeti me bâ hetime per gjâ a gjak të hupun. "Bé mbi bé kanûj a s'bân".

§.578. Po s'muejt kush me bâ bën me "sedije", s'do të shkojë në bé, tuj mendue se gjindet në peshim para Perendis e sè beja e rrejshme, pose qi kà rrfen kah shpirti, ajo kà ndeshkimin e faqen e zezë permbrapa, po u hetue.

§.579. Do të flasë me ndonjanin prej Pleqsh, qi t'a ndalë Poroten, të mos shkojë në bé, do t'u kallxojë bakeqin, qi t'a vëjë per udhë të zo'n e gjâs a të gjakut të hupun.

§.580. I zoti i gjâs a i gjakut, permbras hetimevet të pertejme, do t'u lyp arsye si mbas kanûnit.

§.581. Po s'i u vû, i zoti gjâs a i gjakut kà tager me e vû në bé, a, po i duel Kapucari, do t'i pergjegjet detyrës edhë kapucaris.

§.582. "A bën me "sedije", a gjân a cubin".

§.583. Debejen në bé s'e bân kanûja, po s'u gjegj kush me bâ bé me "sedije", kanûja e mban per fâjtuer, prà, a bën me "sedije", a me là gjân, a me kallxue bakeqin, ne mos pasët ky gisht n'at vjedhni a vrasë.

§.584. Parimi i kanûnit s'lue: "Maja e bés âsht sedija", e "Sedija xjerrë gjân".

§.585. "Shka të mirret me bé, i jët atij, qi e muer". "Permbas bejet t'i vëjë kumbonë (berrit), permbras bejet t'a ngasë n'arë (kân)".

§.586. Janë fjalët e kanûnit, jo pse i pelqen, por pse s'kà si me i a njitë grrêmçin, 'si të lahet me bé.

§.587. Kanûja jët dalë në këto rasë e prandej kà mbetë flala: "Mos të ndeshët Zoti në berrêjshmin!"

§.588. Per të shmangun të çdo dyshimit të bës së rrëjshme Pleqt e gjygit do të çilin syt, tuj zgjedhë njerz të ndershem per Poronikë të njehun, mbë të cillt varet beja e drejtë.

NYE I NANDËDHETEPESËT.

Gioba e bes së rrejshme.

§.589. Po duel ndo 'i burrë zëmtrak, edhë i prin të zot't në gjâ të vet permbas bës së rrëjshme, ajo do t'a lajë gjân të dyfishueme e gioben e bës së rrëjshme, e mbi këta kanûja i a njet vûlen e shnjerezimit brëz mbas brëzit mjé në shtatë faqe.

§.590. Po duel kapucarî mbas bejet, Pleqt do t'a shqyrtojn mirë e do t'a rnojn pà të ngutun.

§.591. Si të dalë kapucari i mirë, i drejtë e me shêje të sigurta, cubit a giaksit i brumbullakzohen ne derë Pleqt, Katundi, Poronikët e Kapucari, edhë i zbatojn kanûnin atij bërrejshmit.

§.592. - Ndeskhînie mbi bërrejshmin jânë:

a) do ti lajë të zott të gjàs dy per nji;

b) do të lajë kpucët e Kapucarit;

c) " " " "100 desh e nii kà, po kje beja më 241 Poronikë, e 500 grosh Derës së Gjomarkut. - Po kje beja nen 24 Poronikë, gioben e mërr katundi;

d) do të shkojë të Kisha me u zgidhë prej bës së rrëjshme me gjith Poronikë;

e) do të lajë kà 500 grosh per krye Poroniku, pse u prini në bé të rrëjshme, tuj dhûnue Kishen. - Këto të holla cubi do t'i lajë mbi eltër per Kishë.

LIBRI I TETËT

DERA

KRY I SHTATËMBDHETËT.

NDERA VEHTJAKE.

§.593. Kanûni i Malevet të Shqypnis nuk e veçon nierin prej nierit. "Shpirt per shpirt, sè duken e falë Zoti".

§.594. I miri e i keqi kàn një çmim: Kanûni i mban per burra: "Del i miri prej të keqit e i keqi prej të mirit". "Në kandâr të vet sè i cilli peshon katerqind derhêm".

§.595. N'i prekët kush kuej në nderë, peng a plak per nderë të mârrun s'kà, Kanûja thotë: në daç, fale, po deshte, laje ballin e vruguem.

§.596. Nderen seicilli e kà per vedi e nuk mûnd t'i perzihet kush kuej as me e rrethue me pëgje e me pleq. Dy gisht nderë në Iule të ballit na i njiti Zoti i Madh.

§.597. "Ndera e mârrun giobë nuk kà". -Ndera e mârrun s'falet kurr.

§.598. "Ndera e mârrun nuk shperblehet me gjâ, por a me të derdhun të gjakut, a me të falun fisnikisht (permbas ndermjetsis së dashamirve të mirë).

§.599. I korituni kà deren çilë perkah ndera: peng s'shtron, pleq smërr, gjygi slypë; giobë s'mërr. - Burri i fôrt mërr gioben vetë.

§.600. Aj, të cillit i u muer ndera, xêhet i dekun kah kanûj a.

§.691. Ndera i mirret burrit:

- a) Me i thànë kush sè rren facile burrave të mbledhun në kuvend,
- b) Me e pshty, me i u matë, me e shty a me i rà kush;
- c) Me i prishë ndermjetsin a besen,
- d) Me i a dhûnue gruen a me i a hikun,
- e) Me i a marrue armët e krahit a të brëzit;
- f) Me i a dhûnue buken, tui i a ngâ mikun a pûntorin;
- g) Me i a thye Shpin, vathin, kotecin a çerranikun n'oborr;
- h) Me i a ndalë uhân a detyren,
- i) Me i a luejtë rrasen e vegshit në voter,
- j) Me nje kashaten parpara mikut - i mirret ndera mikut.
- k) Me koritë trevezen nder sy të mikut, kûr i zoti i shpis e kruen ulteren a Shpin e lpîn kupen.

KRY I TETËMBDHETËT.

NDERA SHOQNORE.

NYE I NANDEDHETEGJASHTËT.

Miku.

§.602. "Shpija e Shqyptarit âsht e Zotit e e mikut".

§.603. Miku nuk mûnd të hîjë në shpi, pà bâ za n'oborr.

§.604. Si të bajë za miku, i zoti i shpis a kush i shpis i pergjegjet e i del perpara.

§.605. Falet me mik, armen i a mûrr, e i prîn në shpi.

§.606. Armen i a varë në krrabë, edhë e çon në krye të vendit ké votra.

§.607. Perpuset zjarmi, lypen edhë drû. "Miku don drû".

§.608. Mikut do t'i bahet nderë: "Bukë e krypë e zerner".

§.609. Buka e krypa e zêmra, zjarmi e trangu e do firi per shtrojë do të gjindet gadi per mik në çdo kohë të natës e të ditës.

§.610. Mikut të lodhun do ti vîhet rreth me të pritun me nderë. Mikut i lahen kambët.

§.611. Per çdo mik duhet buka si hân vetë.

§.612. Per mik të mirë duhet kafja, rakiia e buka e shtrueme me ndo'i send mâ teper.

§.613. Per mik zemret duhet duhâni, kafja e ambel, rakija e bukë e mish. -

"Mikut të zëmres i lshohet shpija".

§.614. Ruj hi në shpi, mikut do t'i mbajësh armen".

§.615. E mbaitmja e armës është:

- a) shëj burrnije e nderje, edhë pse knaqesh sè t'erdh miku,
- b) është shëj roje, sepsé tui i thànë: "Mirë sè erdhe", ajo do të rrijë pà droje, e sè giindesh gadi me i dalë zot per çdo rrezik,
- c) është shëj urtije per vedi, pse, 'si ti mårrish armen, edhë në pasët ndoi mende të keqe miku, nuk kà shka të bân si t'a çarmatosish.

§.616. "Mikut i lshohet kryet e vendit".

§.617. Mikut i lshohet kryet e vendit, Po kje në shpi si edhë po kje në kuvend burrash, porsé në kuvend nuk kà zà.

§.618. Mikut i lshohet kryet e vendit si per nderë, si edhë qi të jét mâ në të pâm e në shëj si edhë të mos të perzihet nder robët e shpis.

§.619. Si të hijë miku në shpi, të kà là detyren.

§.620. Po të hîni miku në shpi, gjak me të pasë, do t'i thuejsh: "Mirë sè erdhe!"

§.621. "Miku do të perciellet deri kû të lypë me e percjellë".

§.622. "Miku, edhëpse xên kryet e vendit në shpi a kûdo, kurr s'prîn, por do t'i prijsh".

§.623. Miku perciellet edhë me një fini, po kje djalë a vajzë, gjithnji si një burrë a grue.

§.624. Si t'a perciellish mikun deri kû desht vetë me shkue, e solle shpinen me shkue në pûnë t'aride, krisi pushka n'at hov e edhë e vrau, ty nuk të pritët mik.

§.625. Mbas mikut do të hupish pûntorët, e me bukë t'aride, të mos fikesh e të mos koritesh.

§.626. "Si t'i prish mikut, çdo dhûnë fi bajë kuej ky, lypët mbë ty".

§.627. Mikut mos i prij, a, 'si t'i prijshë, do të hapish syt qi mos t'i bajë kuej ndoi dhûnë a pûnë të ligë.

§.628. Kanûja urdhnon qi të perciellet miku sà mos t'a gjeë ndoi pûnë e ligë, sà edhë mos ti bajë kuej ndoi dâm me bukë t'ande.

§.629. Po bani ndoi pûnë të keqe miku në bukë tande, arsyeja lypët prej teje.

§.630. I dhûnuemi e i dâmtuemi s'është në detyrë me ndiekë atë, qi e dhûnoi e qi e damtoi, por i kerset në derë atij, qi e mbajti në shpi e i dha bukë.

§.631. "Buka e làn dâmin".

§.632. Kanû âsht præ, qi t'i prihet mikut, sepsé xêhet sè nuk din rrugë e nuk din a do të ndeshet në mik a n'anmik.

§.633. Do t'i prîjsh, pse jé rojsi i mikut, si me i a largue rrezikun, si edhè me e ndalë prej pûnet të keqe.

§.634. "Buka të nderon, porsé të qet edhè në pûnë". (Buka m'u gjet drej pat thànë dikush).

§.635. Po t'a dhûnoi buken miku, do t'epsh arsye në kanû per shpi e vath të thyem, per tufë të mârrun e pretime tjera.

§.636. Do të lajshë dâmet e bame prej mikut t'and a tuj vû kumbonen e tufës s'atë në trà, a me të hjekun të kaut të hullis, a me të shitun të rendit të ujit.

§.637. Nderen e dhûnen do t'a dajshë me mikun e të damtuemin do t'a ndreqish.

§.638. Ti do të lajshë e, po muejte me xjerrë gjâ të miku, e ké per vedi, perndryshej të pasët mbetë ngiat: Paç e dhaç thotë kanûni.

§.639. Sikurse jé në detyrë me lypë mikun e prêm ashtû jé në detyrë me dhânë arsye, në prefët kend miku në bukë fande.

NYE I NANDEDHETESHTATËT.

Të premt e mikut.

„ndora nuk lshohet“.

§.640. "Miku mik, shoqi shoq".

§.641. "Veç një gacë me t'a lypë kush të dera per me kallë çubukun, i a dhae, e e ngau kush, të pritët mik".

§.642. Po të rà ndore kush, edhè tuj t'a xânë vetem êmnin: "Jam miku i njatij" e edhèpa të pasë kênë kurr të dera, po e ngau kush, të jét mik në derë e ftyra t'u vrugnue.

§.643. Po t'a vûni kush mikun në lojë a t'a shau, ti do t'a mkâmbish nderen e mikut me rrezik të jetës s'atë.

§.644. Po i u pré kuej miku, kanûja i kâ lânë dy udhë: a të fiket, a të koritet.

§.645. Atij, qi i u pré miku, çdo send do ti epet me dorë të mâjtë e per rien giu mjé qi t'a paguej mikun.

§.646. Dora e mâjtë me kanû quhet e pandershme, e cilla mêrr e nuk ep, me miq nuk falet. Veç i pabesi me të pabesin falen me 'të.

§.647. Me kanû të hershme gjygji e karmote më hu të pabesin, e s'e lité në kuvend burrash.

§.648. I pabesi, qi pret kend vetë a shet kend në besë, grihet katundisht e shkon

gjakhupës.

§.649. Me gojë të kanûnit: baba, vllau e deri kushrinija e dalun fare falet, porsé miku nuk falet (posë me të hîm ndermjet të dashamirvet të zëmres).

§.650. Per mik të prêm rrallë sè epet besa; ndermjetsija epet sà të mârrin e t'apin, në hîfët puna në të ndrequn.

§.651. Katundi shoqi-sho'it i presin mik:

a) kùr një shoq shmanget të një shoq e, tuj dalë prej shpije të këtij, e vret a shoqi tjetër a kushdo,

b) Edhepsé shoq a kushrî me të vramin mik-prêm, detyrë âsht me lypë shoqin-mikun e vràm,

c) Po s'e lypi mikun e vràm, edhèpse shoq, skà pse del në kuvend burrash, pse jët i koritun e i marruern pergjithmonë e jetës.

§.652. Me ndeshë n'udhë të madhe dy shokë, e, 'si të bâjn do rrugë, kerset pushka edhë vritet njani sish, këtij tjetrit nuk i pritët mik.

Oroe:

Njimend, sè s'i pritët mik, porsé jët i koritun mos me qitë mbë dorërasin. O Shqyptari edhèpse bjen në gjak pà gjak, tuj e pague me vrasë mikun e preme, aj s'e mërr ndore at pûnë, fiket me lang e plang, porsé marre s'bân.

NYE I NANDEDHETETETËT.

Të sjellnut e të zot't të shpis me miq në shpi.

§.653. Miku xên kryet e vendit në trevezë (sofer), mandej i hîn ndorja.

§.654. Framurtarit mik i tokon kryet e dashit e mikut shpatulla.

§.655. Po sndolli flamurtari, por Kreu i njij Flamuri, shpatulla i tokon këtij e mikut kryet e dashit.

§.656. Miku do të hjekë rakin e ma i pari do t'u bie duerve në trevezë.

§.657. Me ndollë në trevezë kush i Gjomarkaj e një mik i largët, Flamurtari e dânder pergjymës me të Gjomarkain kryet e dashit e shpatulla i jët mikut.

§.658. Famurtari do t'a thejë me grusht kryet e dashit e mikut, s'i t'a kët Ipi shpatullen, do t'i a thejë sumbullen.

§.659. Me ardhë per mik i Ohërnjani (i Thkellas) a në Mirditë a në Malsi të Lezhes e me ndollë aty edhë kush i Gjomarkaj, kryet e vendit e xên i Ohërnjani, mandej i Gjomarkaj- (Ket pûnë s'e bân kush prej nderjet.)

Oroe:

Këto sjellje duken si lojë, porsé kân shkaktue vrasë të pergjegjime shi në trevezë.

§.660. Kafën e mërr miku, mandej i zoti i shpis.

§.661. Duert në treveze i lãn i zoti i shpis, mandej miku.

§.662. Goten e rakis e pin i zoti i shpis e të dyten miku,

§.663. Kashaten e nyjen miku, mandej i zoti i shpis.

§.664. Aj zot shpije, qi e nryete kashaten perpara mikut, late 500 grosh giobë.

§.665. Aj zot shpije, qi koritte trevezen e vet nder sy të-mikut, late 500 grosh giobë,

§.666. Pushka e shtime per mik të prëm nuk kà giobë.

NYE I NANDDHETENANDTËT.

Ndermjetsija.

§.667. Ndermjetsi, si lajmtari, nuk bãn faj as nuk xëhet.

§.668. Ndermjjetës thirret aj, i cilli hîn per me dà fjalët e kqij a, me shmangë rragen, prej të cillave mûnd të shkaktohet vrasa a ndo 'i rrënim tj eter.

§.669. Nderrnjjetës mûnd të jët burrë a grue, djalë a vajzë a edhë Prifti.

§.670. Ndermjjetës mûnd të hijë per shpi me shpi, per katund me katund, per flamur me flamur.

§.671. Me i u pré ndermjetsija njij shpis së veçanët, vetë e kerkon mikun.

§.672. Me i u pré ndermjetsija njij kaktundi, katundisht u lypë mikun.

§.673. Me i u pré ndermietsija njij flamuri, flamuri mbarë e lypë mikun.

§.674. Me i u pré ndermjetsija Priftit, mikun e lypë Famullija, në të cillen gjindet, a sè flamuri e lypë, po hîni ndermjet n'emen të flamurit.

§.675. Prifti, per me dà të keq, hîn ndermjet jo n'emen të vet, por a n'emen të Famullis a n'emen të flamurit; por vetëm atbotë, kûr mos ti pûnojë fuqija e fjalës fêtare.

§.676. Po s'u inuer para sysh fuqija e fjalës fetare, atbotë Prifti hîn ndermjet si çdo qytetas, por, tuj mos bajtë zyria e tij shpatë e litâr, po i u bâ n'asgja ndermjetsija si e çdo qytetasit, katundi a flamuri do t'a mkambin nderen e tij tuj e lypë mikun e prëm.

§.677. Me kënë të vramë njiqind vetë në njânin krah e në tietrin kurrnji, s'i të hîjë kush ndermjet, pushka do të prâjë, zjarmi do të shuhet.

§.678. Me bâ me u qitë poshtë flala e ndermjetsit, ajo lagje, qi të filloëj pusken, i a pret mikun ndermjetsit. (Po s'prâni pushka e fjala e gergasa permbas ndermjetsis, perzihet lamshi per mnerë, kryqzohet pushka, e grihen aty per aty.)

§.679. Fjalët e dokshme të ndermjetsis janë: "Leni flalët, or juni, jam ndermjet une! -Prani pushken, burra, un jam ndernjjet mjë kë të mirremi vesht. - Prani pushken, sè katundi..., flamuri... është ndermjet!"

§.680. Ndermjetsi u mërr pëgjet të dyja lagjeve, tui u dà ditën sè kùr e kù do të mblidhen në kuvend, per me u marrë vesht.

§.681. Po nuk muejt me i ndreqë ndermjetsi, pëgjet e të dy lagjeve u lshon në dorë burrave t'urtë, e ky atbotë lirohet e del prej ndernjetsije.

§.682. Ndermjetsija mbaron gjithherë a me të rame diellit a me të marrun të diellit (me të lem a me prenim të diellit).

NYE I NJIQIDTËT.

Dorzanija.

§.683. Dorzânë thirret aj, i cilli i lidhet kuej per të pergjegjion të njij detyre, të cillen, po s'e lau në vade të caktueme detyrsi, ky bahet dordhânës.

§.684. Uhasi, 'si të két dorzânë, s'kà nevojë me i shkue në derë detyrsit, dorzâni do të pergjegjet per të: "Dorzânë, dordhânë", thotë kanûni.

§.685. Edhë në dekët detyrsi, uhasit s'i prishte gjâ, per detyrë, qi aj i pat këtëj, do të pergjegjet dorzâni: "N'dekët detyrsi, rnofët dorëzani," thotë kanûni.

§.686. Me bâ me u pendue dorzâni e me dashtë me dalë dorzânije, kanûja nuk e lën, sepsë: „ Dorzani nuk hîn per me mbajtë në mend, por per me là".

§.687. Dorzani hîn me mirvet, e prandej nuk kà tager me lypë kpucë as të detyrsi as të uhasi: "Dorzânë e bestâr nuk hîn kush me të holla".

§.688. Detyrsi, kùr lypë kend per dorzânë e, per n'i hifët ky, faqe burrave i thotë: "Un po të hi dorzânë, por shikjo, sè, po s'e pate nder mend me i bâ gadi të hollat në vade të caktueme, më kallxo qyshë tashti e të bahem gadi me là per ty. T'a dijshtë, sè shnierzim nuk duroj!

§.689. Po nuk i u pergjegj detyrsi dorzânit, edhë e lën të lidhë qi të lajë ky prej vedit detyren e tij, dorzâni do t'i a apë pengun uhasit.

§.690. Uhasi kà tager me i a dorzue kuejdo at peng, per me xierrë detyren e vet.

§.691. Dorzani kà tager me bâ vâj në katund kundra detyrsit të keq, e katundi do t'a ngushtoie detyrsin qi t'a shperblejë pengun e dorzânit e t'i a dorzojë të zot't.

§.692. Po s'i bani gadi të hollat detyrsi vetem prei dhunet e kasnecijet, katundi e giobitë permbas randsis së fajit pré presë të bame.

§.693. Po i bani gadi te hollat detyrsi ne vade te caktueme, para sè t'i a dorzojë te zot't do t'a bajë me dije dorzanin.

§.694. Po kje sè detyrsi nuk muejt me i bâ gadi të hollat në vade të caktueme vetem prej skamit, dorzâni do të rrjë gadi me là per'të, e ketë me e pritë, sè "Dora

e thatë s'kà uratë" e s'kà pse e qet në katund, pse vajin nuk i a veshtron: t'a kishte matë vedin para së t'i hite dorëzanë.

KRY I NANDËMBDHETËT.

GJAKU E GJINIJA, VLLAZNIMI E KUMBARIJA NË KANU TË MALEVET.

NYE I NJIQIDEPARË.

Gjaku e gjinija e breza Shqyptarësh.

§.695. Vargu i brëzavet të gjakut e të gjinis, shkon në të pasosun per Shqyptarin e malevet.

§.696. Mahet vllà e fis me të gjith ata, prej së cillësh të parët e tij janë dà heret a vonë.

§.697. Katerqind zjarmesh me u dà Shqyptari, aj as mërr as ep, d.m.th. nuk bân krushqi.

NYE I NJIQIDEDYTË.

Lisi i gjakut, lisi i tamblit, nip trungut e nip bijet.

§.698. Brëzat rrjedhin a prej gjakut a prej gjinis.

§.699. Brëzat e gjakut rrjedhin prej ânet të babës; brëzat e gjinis rrjedhin prej ânet të nânës.

§.700. Rrjedhja e brëzavet prej ânet të babës thirret "Lisi i gjakut".

§.701. Rrjedhja e brëzavet prej ânet të nânës thirret "Lisi i tamblit"..

§.702. "Nip trungu" a "mesë trungu" thirret aj varg mashkujsh a fëmnash, qi rrjedhun prej plangut të babës.

§.703. Nip a mesë bijash thirret aj varg mashkuish a fëmnash, qi rrjedhin prej bijave të martueme.

NYE I NJIQIDETRETË.

Vllaznimi.

§.704. Vllaznimi, qi bahet tui pî gjak, e ndalon krushqin pergiithmonë ndermjet të vllaznuemve, shpis së tyne e zjarmit të tyne.

NYE I NJIQIDEKATERT.

Kumbarija (Shengjonija).

§.705. Shka âsht gjaku e gjinija per kah krushqija, ashtû âsht edhë kumbarija.

§.706. Kumbarija e Shqyptarit të malevet âsht tri nduersh:

- a) kumbarija e Pagzimit,
- b) kumbarija e Kunorës,
- c) kumbarija e Flokvet.

NYE I NJIQIDEPESËT.
Kumbarija e Pakëzimit.

§.707. Kumbarija e Pagzimit e ndalon krushqin brëz mbas brëzit jo veç nder të pagzuemin, prînden e të pagzuemit e nder ata, qi e peshojn në derë të Kishës, por edhe nder sâ rob të kët shpija e njanës e të tjetres lagje e të zjarmit të tyne mbarë.

NYE I NJIQIDEGJASHTËT.
Kumbarija e kunorës.

§.708. Kumbarija e Kunorës e ndalon krushqin nder robët e shpis së kumbarve e të shpis së dhândrrit e, qi të plangsohet kumbarija e Kunorës nder dy vllazni e të pershijë edhe zjarret e tyne, kjo pûnë shkon me kumbari të Pagzimit.

NYE I NJIQIDESHTATËT.
Kumbarija e Flokvet.

§.709. Kumbarija e ndrikullija, qi bahet në të rruem e në të mârrun të flokvet hîn në Ildhje kanûnore, qi s'e luan gjâ.

§.710. Kumbarija e flokvet e ndalon krushqin brëz mbas brëzit ndermjet shpis, vllaznis e zjarmit të kumbarës e të ndrikulls.

§.711. Ndrikullija âsht si nusija: si shkon nusja ké prîndët në kohë të caktueme prej kanûnit, ashtû skon edhe ndrikulla në kohë të caktueme të kumbara.

§.712. Koha e ndrikullis e caktueme prej kanûnit âsht një muej para së Lidhunash.

§.713. Ndrikullija nuk mûnd të shtyhet mbi pêsë ditë: Ditët e ndejës së ndrikulls të kumbara do të jenë giithherë cub e jo kurr parë, tri a pêsë.

NYE I NJIQIDETETËT.
Sjelljet kanunore në të marrun të flokvet.

§.714. Nun a kumbarë thirret aj, qi mërr flokët.

§.715. Ndrikull a nunë thirret e âma e dialit a e vajzës, të cillvet u mirren flokët.

§.716. Famull a famulleshë thirret djali a valza, të cillvet u mirren flokët.

§.717. Nuni e ndrikulla jânë si vllà e moter e nuk veçohen prej gjindes së shpis.

§.718. Po e mbushi vjetin djali e vajza, nuk u mirren flokët.

§.719. Me dekë fmija pà i u mârre flokët, nuk do të shtihet në dhé, do të thirret kumbara i shenjuern; po kje larg kumbara, do ti mârre flokët një tjetër, i cilli nuk do të jët prej vllaznijet e fisit të fmis.

§.720. Per të mârrun të flokvet të dialit duhet të jët burrë, e grue per vajzë.

§.721. Prindja e djalit e të vajzës, të cillvet tu mirren flokët, do të bâin gadi buken sà mâ mirë qi të munden, per me nderue kumbaren.

§.722. Kumbara do të vjê me një prej dashamirësh të vet.

§.723. Thirren një tre-kater shokë per me marrë pjesë në gzim të shpis.

§.724. Si të kënë pî kafë, goditet vendi,

kû do t'ulet Nuni e do të gjinden aty veglat per të marrun të flokvet.

§.725. Lypet karriga, kû do fulet Nuni, kupa me ujë, në te cilin Nuni do të lshojë një asper të rrgjanët, msalla, qi do te shtrohet per të pritun të flokvet, gershànë a brîsk rrues per të qethun a per të rruem të famullit a të famulleshës.

§.726. Si t'ulet në karrigë Nuoi, ni djali i fisit i a pshtetë Nunit në prëhen famullin a famulleshen.

§.727. Nuni do t'î marrë flokët me këtë rend: a) një çubë në ballë, b) në tambzja kà pji çube, c)mbas kreje një çubë.

§.728. Si të mirren fjokët, Nuni i bjen ballit të famullit a të famulleshës me gersbàpé tri herë, tu thànë: "Me shndet e jetë të gjatë!" e puthë famullin a famulleshen e, tuj e hjeke prëhnit i a ep s'amës - Ndrîkulls, - e cila edhe mërr kupen me asper të rrgjanët.

§.729. Nuni i ep Ndrîkullës 50-150 grosh e jo mâ teper.

§.730. Çubat e flokvet i mërr e âma edhe i ruen n'arkë,

§.731. Ndrîkulla do t'î apë Kumbarës: gjurdi, brekë e mangore, e gjindes se shpis se kumbarës - sà të jenë - do t'u çojë kuej msalle, kûj ride a kollçikë.

§.732. Pa i u marrë flokët finis, gershàna nuk do t'î a perkasë kryet, po i u rriten teper flokët, i percullohen me flakë t'unës së pishës.

§.733. Si t'î mirren flokët finis, Kumbara bun at nâtë në shpi të famullit a të famulleshës, ne e nesret çohet e mërr me vedi ndrikullen e famullin edhe i çon në shpi të vet, kû rrin tri a pësë ditë, si mbas kanûnit.

§.734. As mort as darsen e as të kremet s'luten pà ndrikull e kumbarë, pà famull e famulleshë.

LIBRI I N A N D Ë T

D A M E T

NYE I NJIQINDENANDËT.

Përcaktimi i damevet.

§.735. " Dami kà çmim, por jo giobë".

§.736. Dami lahet permbas çmimit të pleqve a të dy shokve.

§.737. Po u gjet grueja tuj vjedhë drû në mal të huej, me dorë s'perkitet, porsé kmesa e terkuza (teja) i mirret, drût e bame jesin aty.

§.738. Kmesa e tela e mârrun xêhen per shperblim të dâmit e tjetër detyrë skà.

§.739. " Dami ka çmim por jo pushkë".

§.740. Per çdo dâm i lahet dâmi të dâmtuemit, po kje per arë e livadh, per kopshtë a vështë.

§.741. Sndeshkohet kush me giobë per dâm të gjâs.

§.742. Po u gjet në dâm kau a lopa, kali, mushku 'a gomari, delia a dhija, nuk mùnd të vriten, por do të çmohet dâmi i bam prej 'tyne.

§.743. Po vrau kush në dâm kân, lopen, kalin, mushkun, gomarin, dhin e delen, làn gjân.

§.744. Gjaja e gjetun në dâm, a kapet e i çohet të zot't të dera, tui i thànë sè e gjete në dâm e të vjê me e pà, ase e vên perpara edhè e çon të shpija e jote edhè e ndryn në burg e, si të pleqnohet dâmi, i a kthen gjân.

§.745. "Nji dhé thàn nji vrri". - Dhija âsht frymë e keqe; shka të perkasë me gojë, e thàn.

§.746. Po u glet dhija tuj bâ dâm në vështë, sà cûgj hardhije të ketë verbue, kanûja kà pré këto dâme:

a) Cungu i hardhis i verbuem prej dhije nuk bân rrush per tri vjet;

b) nji cung hardhije bân rrush sà per dy okë venë e per nji okë raki në vjetë,

c) hardhija e verbueme prej dhije prà kà gjashtë okë venë e tri okë raki per dâm.

§.747. Sà per dâm t'arës, çmimi i kanûnit âsht: "Njiqind kallzë kallamoqi: nji babûne drithë". (Per njiqind kallzë a bîmë të damtueme, do të lajë i zoti i bagtis nji babûne drithë.)

NYE I NJIQINDEDHETËT.

Thiu në dam.

§.748. "Thiu në dâm kà pushkë. - Po e gjete thin në dâm, bjeri pushkë".

§.749. Po u gjet thiu në dâm pà verza (kulâr-krrabza) në qafë, vritet.

§.750. Me nji të shtëme a me nji të sjellme, gjith sà thi të vriten, dâmi âsht i të zot't të thive.

§.751. Pushka e dytë a edhè e sjellmja e dytë làn thin.

§.752. Porsa t'a vrasë kush tin në dâm, do ti lshojë za të zot't qi të shkojë me e mârre, pse misht i a hàn aj.

§.753. Po e vrave thin në dâm e nuk e bane me dije të zo'n n'at hov, qi të skhojë me e mârre, e mbet thiu aty, sà të fillojë me u prishë do të lahet thiu.

§.754. Si të vritet thiu në dâm, dâmin e bam e làn me krye e i dâmtuemi nuk kà shka lypë mâ, pse vaji nuk i gjegjet në kanû.

§.755. Po hîni në dâm thiu me verza, kà dâmin e jo pushken. Po e vrave, làn thin.

NYE I NJIQINDENNJIMBDHETËT.

Kurtha e ngrefun a laku në kopshtë.

§.756. "Në kopshtë t'ëm a ngrefa kurthen a lakun, nuk mûnd të më ndalë kush".

§.757. Në kopshtë të thurun miré, po ngrefi kush kurthen a lakun, nuk âsht në detyrë me i u pergjegjë dâmit.

§.758. Po e ngrefi kush kurthen në kopsht të shthurun e rà në 'të berri, làn berrin.

§.759. Në katund e rreth 'tij, po e ngrefi kush kurthen, - mjé kû kapen gjaj per kullosë - e rà në'të ndo'i kâmbë berri, i zoti i kurthës làn berrin.

§.760. Kurtha shtrohet (ngrifet) me të marrmet të diellit, e shkrefet a mblidhet a mblohet mirë me të rame të diellit.

§.761. Gjaja e dâme e e mbetun në mal nâten, por rà në kurthë, rreziku âsht i të zot't të gjâs, i zoti i kurthës nuk làn gjâ.

§.762. Po u là shtruet kurtha ditën, çdo gjâ, qi të bie me 'të, i zoti i kurthës do t'i pergjegjet dâmit.

§.763. Po rà në kurthë nâten qeni e mica, shkojn hupsë, sepsé kerkojn dhén.

§.764. Kurtha e ngrefun në mal, porsé neper shtigje kah kalon gjaja, në rafét ndoi kâmbë berri në 'të, bariu kà tager me coptue kurthen, e i zoti i saj nuk mûnd t'i lypë arsye.

§.765. Po e ngrefi kush kurthen në rrethinë të shpijave të hueja e rà në 'të gjaja e të zot't të vendit e mbet a me kâmbë të thyeme a edhè cofi në kurthë, i zoti i kurthës do të lajë dy per një.

LIBRI I DHETËT

KANUNI KUNDRA MBRAPSHITËVET

KRYE I NJIZETËT.

HJEKSIJA.

§.766. Hjekës thirret aj, i cilli me ndermjetsi të mbrapshtë e per nen dhé i ep ndimë tjetrit per me bâ ndo'i rrënim a ndoi faqe të zezë tjetër në katund të vet.

§.767. Hjeksi i shokve:

- a) per të hikun të grave bjen në gjak e500 grosh do t'i apë katundit per giobë;
- b) per vrasë bjen në gjak e 500 grosh giobë katundit;
- c) per cubni e per çdo send, qi të vidhet në katund me bukë, me prijë e me msim të hjeksit,si të hetohet, do të lajë gjân mbas kanûnit.

KRYE I NJIZETEPARË.

VJEDHNIJA.

NYE I NJIQINDEDYMBDHETËT.

Përcaktimi i vjedhnis.

§.768. Në viedhni pershihen:

- a) Cubi; e është aj, i cilli vjedhë me dorë të vet një kafshë të huejen.
- b) Simahorët, qi janë ata, të cillt i bahen ndimë e krah cubit në një vjedhni a në çdo mbrapshti, e ditën e mbrame, po u hetue vjedhnija, do të lajn gjân e huej si mbas kanûnit e mbas pjesës, qi kân marrë.
- c) Buka është niaj plang, kû cubat me gjâ të vjedhun hân bukë, ase marrin me vedi bukë, edhë perciellen me gjâ të vjedhun. "Cubi e bukdhânsi janë një".
- d) Kjori; e është aj, i cilli e strofullon gjân e vjedhun. - "Paras cubi, paras kjori".
- e) Edhë në mos marrët pjesë në viedhni kjori, ai bahet fajtuer si vetë cubi, pse bahet strofull cubash e vjedhnish.
- f) Gjurma është ferkemi, qi bân gjaja, permbas së cillës udhton i zoti i gjâs së viedhun, tuj e çue gjurmen: a mbrenda kufinit të njëj katundi a të njëj lagjie, a mbrenda rrethit të njëj shpije, të njëj oborri a të njëj vathi. - "Gjurma e vûme, gjaja gjetun".
- g) Fmi, brraca e biramela.
- h) Grabitçori, e është aj, i cilli ballas e me perdhûni i a mërr kuej një gjâ per ndo'i detyrë.

§.769. Po i u duer gjurma në mal të zot't të gjâs së vjedhun, nuk mûnd të kapë as katundin e aferm, as flamurin, porsé, n'i kjafët zêmra mb'at katund, t'a mendojë qi t'i lahet me bé.

§ 770. Gjurma e prûme mbrenda katundit, po s'mûnd e hetoi cubîn, i zoti i gjâs e lypë mbë katund, e katundi do t'i pergjegjet.

§.771. Gjurma e prûme mbrenda njëj lagjie të katundit po s'u hetue cubi, ajo lagje do t'i a lajë gjân të zot't.

§.772. Gjurma e prûme mbrenda rrethit të shpis, t'oborrit, a të vathit, ajo shpi do t'i a lajë gjân të zot't.

§.773. Gjurma e prûme mbrenda rrethit të shpis, të oborrit, a të vathit, ajo shpi do t'i a lajë gjân të zot't.

§.774. Çdo dâm, viedhni e bracni të bame prej fmish, bracash e biramelash, po u hetuen, shpija, së cillës i perkasin, do t'a lajn.

§.775. Parimi i kanûnit është: "Shka të bâjn të mëtuajt (mêcat), burrnimi i shpis do t'a lajn".

§.776. Fmit, bracat e biramelat, edhè ne u gjeshin me bracni në dorë, dora e huej nuk mûnd t'i perkasë (nuk mûnd t'i rrafë),por do të bahen me dije prîndja, e këta do të pergjegjen per'ta.

NYE I NJIQINDETREMBDHETËT. Grabitja.

§.777. Udha e Zotit s'lân gjâ".

§.778. Kanûja s'bân qi të trazohet kush në shteg të vet. Udha e amdhe s'i a kà ndo'i detyrë kuej.

§.779. Po i pat kush ndo'i detyrë kuej e nuk i ep arsye, vajin do t'a bajë në katund uhasi, e ky do të biejë në mend detyrsin.

§.780. Po u çue kush edhè thei udhen e madhe, tui i a ndalë shtegtarit a kalin, a mushkun, magjarin a ndo'i kâmbë berri, - po su vran aty-peraty - grabitçari bjen në giobë të katundit mbas randsis së faiit e gjân e grabitun do t'i a kthejë të zot't.

§.781. Po u çue kush, e vetem prei hamendjet, edhè i grabiti kuei a kâl, a mushk, a mägjar, e së mbrami i del i padetyrë i grabitunî, grabitçari bjen në giobë të katundit per të thyem t'udhës së madhe e të zot't do ti a kthejë gjân e çmimin e ditve të hupûna.

NYE I NJIQINDEKATERMBDHETËT. Preja (Premtimi).

§.782. " Preja mirret me pré",

§.783. Me rà pré, me pretue, me mârrë pré don me thànë me mârrë a me pershi nji tufë gjaje në mal, në vrri a edhè në vath.

§.784. Preja të shumen e herës shkaktohet kûr mos të giegjet me i ardhë n'arsye lagja lagjes.

§.785. Prela nuk shndrrohet ndryshei, por a me pré tjeter, a me pushkë.

§.786. Prela ndollë a katund me katund, a flamur me flamur, a edhè nder shpija të veçanta.

§.787. Preja shkaktohet a per kufije mali a bjeshke, a per kullosë. a per ndonji dhûnë tjeter, me të cillen fyhet nji katund, nji flamur, a edhè nii shpi e veçantë.

§.788. Preja. qi bahet në mal, kà gjân të zot't, pà tjeter.

§.789. Preja, qi bahet në vath, kà gjân të zot't e 600 grosh giobë per nderë të vathit.

§.790. Preja e pà-rrugë kà gjân të zot't e 500 grosh giboë. Permbas ndermjetsis së dashamirvet e të burravet të dheut gioba falet.

- §.791. Po u pretue nji tufë e huej në rrugë, në mal e një bjeshkë per kufi, atbotë si katundi si flamuri i perkrahen pretarit.
- §.792. Pres së pà-rrugë, bani e i u perkrah katundi e flamuri, ndermietsija u mârriin pëgje e do të peshohen prej Pleqsh si mbas kanûnit.
- §.793. Si mbas randsis së fâjit do t'i lahet gioba e gjaja të zot't.
- §.794. Po i u perkrah pretarit katundi e flamuri, i pretuemi kà tager me, i rà pré kuej të mundet n'at katund a flamur, per me mkambë nderen e vet e me shperblye gjân e vet.
- §.795. I pretuemi nuk mûnd t'a pretojë as katundin as flamurin, 'si t'a leçisë pretarin e t'a lajë shpi me shpi. - Kanûni thotë: "A gjân të zot't, a rrugen të lirë".
- §.796. Gjaja e pretueme në mal a në bieshkë nuk kà dy-per-njahren, por gjân të zot't,
- §.797. "Kumbona e tufës nuk mûnd të mirret pré",
- §.798. Po u muer pré kumbona e oçiçit në mal a në vath, kjo kà nderen sà tufa mârre e sà vathi prçtari do të lajë 500 grosh giobë per nderë, edhëpse nuk muer kurnji kâmbë berri.
- §.799. Oçiçi, hânori e vergani e qeni i hekuravet, nuk mûnd të mirren pré as per detyrë.
- §.800. "Preja per detyrë nuk mirret". Po ndolli kjo pûnë, katundi e flamuri e leçIsin pretarin, po su gjegj me kthye gjânë.
- §.801. Po e prishi gjânë e pretueme pretari, ditën e lahes do t'i a kthejë të zot't krye per krye edhë tuj e zgiedhë në tufë të tij.
- NYE I NJIQINDEPESËMBDHETËT.**
Faji i kobshem.
- §.802. Kush vjedhë Shpin e strajcen e mikut, kanûja i kà caktue per giobë "faqen e zezë" e âsht i hjedhun prej kuvendit e gjyqit.
- §.803. Po e vodh mikun e nji shpis dora e tjeterkuej e i shpis tjeter i lypet miku i prêm e shpija e thyeme.
- NYE I NJIQINDEGJASHTËMBDHETËT.**
Dypernjahja.
- §.804. Nder të gjitha vendet, kû mbahet kanûja, çdo gjâ e vjedhun kà dypernjahren: "Dy per nji, mjaft qi të hecin me kâmbë".
- §.805. Dypernjahja do t'epet jo veç per bagti të trasha, por edhë per bagti t'ima, e per send të vjedhun.
- §.806. Dypemjahja do të shperblehet edhë per nji të djegun të dhûnshem të

shpis, të ksollës, të tbanit, të mullarit të sânes a të kashtës, të gjethit edhe të gardhit.

§.807. Kopshti, veshta e ara e vjedhun kan dypernjahen.

§.808. Gjeli (knduesi-kadoci) i vjedhun a i vràm, kà gjygjin e prém: 500 grosh të zot't, per arsye qi: "Knduesi âsht herori (sahati) i të vorfnit".

§.809. Thiu i mbajtun, i vjedhun a i vràm (posë sè n'u gjet në dâm) kà 500 grosh, per arsye qi: "Thiu i ushqyem âsht mbaja e njij shpis".

§.810. Dy kafshët e permenduna nuk e kàn dypernjahen e as gjelin gjel, as thin thi, por 500 grosh pare të thata.

§.811. Per vegla bulkijet, bi. fj. per um të vjedhun e të hetuem cubi do t'i lajë të zot't aq puntorë sà ditë i shkuen hupës, e umini umî.

NYE I NJIQINDESHTATËMBDHETËT.

Tagri i të zot't të gjasë së vjedhun.

§.812. "Ku t'a gjejë gjân e vet i zoti, e mêrr."

§.813. Mbas këtij parimi i zoti i gjâs së vjedhun nuk âsht në detyrë të rrafgohet, sepsë, kûdo qi t'a hetojë e t'a gjejë gjân e vet, aj kà tager me e mârre.

§.814. Po u vodh gjaja nper mjet të bukës, buka do t'a lajë.

§.815. Po u vodh gjaja nper mjet të kJORIT, kJORI do ta lajë.

§.816. Po u ndoq per gjurmë, aty kû të jesë gjurma, i zoti i gjâs ngulë e do t'i epet arsyeja më kâmbë e më dorë.

§.817. Po bleu kush nji giâ të vjedhun, edhe pà diejtë sè âsht e vjedhun, i zoti i gjâs kà tager me e mârre e shitsi (cubi) do t'i a ktheje blesit deri në të mbramin dysh të çmimit, qi muer per at giâ të shitun, e të zot't të gjâs dypernjahen.

§.818. Pose sè per vjedhin të bame ne Kishë e në Qele, cubi nuk kà giobë as faqe katundit as faqe flamurit.

§.819. Po u vodh gjaja në vath, cubi do te lajë dypernjahen e 500 grosh giobë per vath te thyem.

§.820. Po u vodh gjaja ne mal, cubi do te lajë dypernjahen.

§.821. Po u vodh gjaja ne shpi, cubi do te laje dypemjahren e 500 grosh per shpi te thyeme.

KRYE I NJIZETEDYTË.

VRASA.

NYE I NJIQINDETETËMBDHETËT.

Prita.

§.822. Prita është një sjellje, me të cilën malet e fushat e Shqipërisë u vënë pushtet glaksorvet a kuejdo, që të kët mendën me vrë. (Me dalë në, pritë; me ndëjë në pritë, me vù priten, me rà në pritë).

§.823. "Së keqes i përgjegjet aj, që prin ase rrethas".

§.824. Mbrenda flamurit të vet nuk mund të marrë kush shokë, për me i dalë kuej në pritë, e, po duet kush, edhe vran kend të flamurit, të gjithë bëjnë në gjak.

§.825. Jashta flamurit të vet, po duet kush në pritë për me vrë kend të flamurit të huei, prisi bien në gjak e jo simpahorët. "Aj, që prin, e mërr gjakun mbi vedi".

§.826. "Kush e ep fishekun, gjakun e bënë të ve'n".

§.827. U çue kush edhe mbledh shokë e dashamirë edhe i duet në pritë kuej, tuj u thënë: të gjithë pushke, që t shprazën, janë të mijat, po u vrë kush, gjakun e mërr mbi vedi prisi.

§.828. "Pushka e çon gjakun të shpija". - "Pushka të lshon në gjak".

§.829. Po e uhajti kush pushken e kuej e pë dieje të zot't të pushkës shkoi ky e i duet në pritë kuej edhe vrau nierin, tëhjeksi bëjnë në gjak e jo i zoti i pushkës.

§.830. Po i muer kush pushken e kuej, tuj i kallxue të zot't, së kë nder mend me dalë në pritë e me vrë nierin, edhe e vrau, i zoti i pushkës bëjnë në gjak, sepsë : Pushka e çon gjakun të shpija

§.831. "Simahori i pa'-gjak bëjnë në gjak".

§.832. Po duet një edhe mbledh shokë e dashamirë e i duet në pritë kuej, pë i pasë ky as glak as varrë, edhe e vrau, prisi me gjithë simaherë bëjnë në gjak.

§.833. Po duet kush në pritë për me vrë gjaksin e vet, me gjithë shokë e dashamirë të jët, e mërr gjakun e vet e nuk bëjnë në gjak.

§.834. Po duet në pritë një tubë burrash, krisi pushka prej anet të pritëtarvet, porsë nuk vran kend, e n'ai hov krisi pushka edhe prej anet t'atyne, që rënë në pritë, n'ai të perziem vritet një prej atyne, që rënë në pritë, por nuk u vrë prej pushket të pritëtarvet, këta bëjnë në gjak mbas kanunit, sepsë e filluen pushken.

§.835. Prita do të fillojë pushken mbë burra e jo mbë gra, fini, mbë shpi e mbë bagti.

§.836. Po qiti pushkë prita mbë gra, fini, shpi a mbë bagti, punon kundra kanunit e, po nuk e muer në kujdes kët dhënë Flamuri i pritëtarvet, që t'i ndeshkojë mbas kanunit, atbotë do të hjë pushka shpi më shpi, mandej fis me fis, katund me katund e së mbramit flamur me flarnur.

§.837. Aj, që dënë me dalë në pritë, do të marrë bukë me vedi si edhe për simahorë.

§.838. Po hinë kund, pa xânë' vend prite e pin kafë, a hângern bukë, a mueren me vedi buken në ndonji shpi të huej, shkuen në pritë edhë vran nierin, shpija e të vramit e kerkon per gjak Shpin, qi u dha bukë.

§.839. "Pushka e buka e dhânun me dieje të vrasës, i sjellin gjakun atij, qi e ep".

§.840. Po u çue kush me i dalë në pritë shoqit të vet e per simahorë mbledhë shoqnin, po vran kend, si prisi si shokët simahorë biejn në gjak me at shpi, po kje sè duelen faqe.

§.841. Po u çue kush prej Mirdite me i a vû priten ndokuej në Thkellë a në Malsi të Lezhes a njeti e per simahorë mërr shokë e dikend prej flarnurve të permendun, aj, qi u prîni, bjen ne gjak.

§.842. Po i thà kush kuej qi t'i dalë në pritë ndokuej e t'a vrasë, tuj i folun besen, sè në ditë të pajtimit t'atij gjaku do të laj çmimin e gjakut, e aj permbas besës së dhânun, shkoi edhë vrau shi atë, qi i thà aj, e së mbramit e lën në qull e nuk i u pergjegj, me të holla, dorëras i jët në gjak, e atij, qi e shtini, i digjet shpija per presë, qi i bani e 100 desh e nji kà giobë.

NYE I NJIQINDENANDËMBDHETËT.

Dorëراسi.

§.843. Dorëراس thirret aj, i cilli vret kend me dorë t'vet.

§.844. Dorëراسi, porsà t'a vrasë nierin, do të çojë fjalë sè e vrau aj e mos të hutojn mendsh prindja e të vramit.

§.845. Dorëراسi do të çojë me lypë besë.

§.846. Dorëراسi, po muejt vetë me e sjllë marë te vramin, mire; perndryshej mbe kedo, qi të ndeshet, do t'i thotë qi të shkojë me e sjllë marë e armen me i a pshtetë të kryet.

§.847. Dorëراسi nuk guxon më marrë armen e të vramit, po bani kët faqe të zezë, aj bjen në dy gjaqe.

§.848. Dorëراسi i prîndës së vet grihet prej fisit a katundisht.

§.849. Dorëراسie kà të luejtmën nâten aty, kù t'a çile drita, do të struket.

NYE I NJIQINDENJIZETËT.

Simahori.

§.850. Simahuer âsht aj, i cilli i ep dorë dorëراسit, tuj i ndihmue a në vrasë a në viedhni a në të kryem të çdo mbrapshtije tjeter.

NYE I NJIQINDENJIZETEPARË.

Bestari.

§.851. Bestarë jânë ata, qi hijn të prîndja e kushrinija e të vramit, per me xjerrë besë per dorëراسin e per shpi të tij, jânë mprojtaret e dorëراسit e të shpis së tij, qi

mos t'i gjejë gjâ në vade të besës.

§.852. "Dorzânë e bestâr nuk- hîn kush me pare".

§.853. Tuj kënë një nevojë uhazishte, kanûja nuk don qi të mârrin opanga ata, qi hijn dorzânë e as ata, qi xjerrin besë per ndokend.

NYE I NJIQINDENJIZETEDYTË.

Besa.

§.854. Besa âsht një vade lirije e sigurimi, qi shpija e të vramit i ep dorërasit e shpijarvet të tij, tuj mos i ndjekë per gjak perkohsisht e mjë në vade të caktueme.

§.855. Me çue gjind per besë âsht kanû, me dhânë besë âsht detyrë e burrni.

§.856. Shpija e të vramit, po i dha besë dorërasit, ky edhëpse e vrau, do të shkojë në mort e në gjâmë me percjellë të vramin deri në vorrim e me ndëjë per drekë. - Kio besë ngjatë 24 orë.

§.857. Po s'shkoi dorëraasi ne gjâmë e ne drekë permbas besës së dhânun, nuk i xêhet per shburrnim shpis së të vramit, edhë në mos i dhashtë besë, tuj kënë së dorëraasi i a shtoi dhunën mbi dhunë.

§.858. Permbasi të hijë i vrami në dhé, katundi kâ tager, mbas kanûnit, me i a xjerrë besen dorërasit e shpijarve të tij.

§.859. Besa e katundit âsht tridhetë ditshem.

§.860. Po ngurroi shpija e të vramit e s'u gjeji me i dhânë bese katundit, dorëraasi me gjithë shpijarë e kushrîni te dame zjarmit do të rrijë mshilë.

§.861. Kurrkush tjeter nuk mûnd të bije me i a xjerre besen dorërasit e shpija e të vramit nuk mûnd t'i ape kuej bese, per pà ndreqe katundin e vet.

§.862. Si t'a ndreqë katundin e vet shpija e të vramit, atbotë u çilet udha miqvet e dashamirvet per me lypë besë per dorërasin.

§.863. Po e çili besen e fisit shpija e të vramit, gjith sà fiseve të jenë në katund të tij do t'u apë besë as mâ pak as mâ teper.

§.864. Po u çue një mik edhë i shkoi shpis së të vramit per besë e kjo e percjellë me "Mos m'eia mâ" e nuk i dha besë, s'kâ pse i shkon mâ.

§.865. Po u çue një mik tjeter edhë i shkon per besë shpis së të vramit, e kjo e percjellë me "Per tash s't'ap besë, 'sè nuk e shof gjasen", mâ të paren besë, qi dâni me dhânë, këtij do t'i a apë, tuj lânë m'anesh miq e dashamirë zemret.

§.866. Po pat besë shpija e dorërasit, të rrijn me mend e me nierzi në pûnë të vet, të ruhen si burrnimi si edhë granija e mos t'i shkaktojn dâme as trazime, per në kiohin ngiatas me shpi të të vramit e mos të shesin kreni.

§.867. Po u prû keqas shpija e dorërasit ndaj Shpin e të vramit, katundi bashkë

me dorzânë t'a qortohtë e, n'e lypët nevoia, të ndeshkohet me giobë e t'u kputet besa.

§.868. Kanû burrnijet por edhë detyret

âsht të mos perbuzet kush në Shpin e të vramit, edhëpse e mjerë e e thame krahësh.

§.869. Mos të trimnohet kush me i pri gjaksit e me luejtë me 'tê neper katund të shpis të të vramit, kanûja thotë: "Giaksin rueje e mos e perciell faqe shoqit të shpis së të vramit". "Gjaksi e kà të luejtmën nâten, e aty, kû t'a çilë drita, të struket". - "Si të bie në glak nieri, të hikmen e të mshefmen i kà per deytrë".

§.870. "I dâmi zjarmit jashta 24 orvet nuk î ruhet mâ giaksit".

§.871. Kushrinija e dâme me zjarm prej dorërasit mbrenda 24 orve të vrasës do të ruhen, sepsë, po i vrau shpija e të vramit, e mërr gjakun e vet.

§.872. Po pshtuen pà u vrà mbas 24 orësh, do të dorzaniten me shpi të të vramit e do të jenë të lirë në punë të vet.

§.873. Po vran kend prej kushrinis së dâme shpija e të vramit mbasi të kalojnë 24 orët, ajo nuk mërr gjak, por bjen në gjak.

NYE I NJIQINDENJIZETETRETË.

Besa e gjasë e e çobanit.

§.874. Besa e gjâs e e çobânil âsht ajo, qi dy a mâ flamure vëjn nder vedi me pelqim të niani tjetrit.

§.875. Tuj vû két besë, flamurtarët me Krenë e djelmni, i caktoin udhen udhtarit, lajmtarit, si edhë bariut me gjâ.

§.876. Udhtari e lajmtari i njij flamuri, qi kà pûnë në flamur të huej, nuk mundet me i kalue caqet të kufizueme prej dy flamurve në të lidhun të besës së gjâs e të çobânit.

§.877. Udhtari e lajmtari, posë sè nuk mûnd të shmangin udhen, ata as mûnd të hiin në shpi tjetër, 'si të vëjn kamben në flamur të huej, por do të shkoin fill e të shpija e Flamurtarit të vendit.

§.878. Po pat per të krye pûnen e vet udhtari, a pûnen e flamurit lajmtari, ata nuk mûnd të dalin neper flamur të huej vetem, por do të jenë të percjellun a prej Flamurtarit të vendit a prej ndonjij nierit, qi tu apë vetë Flamurtari.

§.879. Si tuj shkue, si tuj dredhue urdhtari e lajmtari do t'udhtoin per udhë të madhe e pà shkapercye caqet e dâme prej flamurve me besë të gjâs e të çobânit.

§.880. Po e gjet gjâ udhtarin, lajmtarin a barin, pà dalë prej flamurit të huej, a tuj kullotë gjân nder copë të dâme, ata priten në besë te gjasë e të çobânit.

§.881. Presa në besë të gjasë e të çobânit kà këto ndeshkime e giobë:

a) dorërasit do t'i lajë shpis së të vramit 22 qese per gjak,
b) flamuri i dorërasit i djegë tri kulla dorërasit, po s'pat tri kulla të veta dorërasit, do të digjen: kulla e dorërasit e dy kulla tjera të kushriive të ngiatë të dorërasit, po s'pat kushrij të ngiatë, edhënjiqind brëzash në kjoshin, do t'u digjen kullat.

§.882. Flamuri i dorërasit e sodumë pasunin e dorërasit me bime e me dhé, me gjà e me gjithshka të kët.

§.883. Po e shmangu udhen udhtari a lajmtari, a i kaloi caqet bariu me gjà, ne i vrafët kush, s'i priten miq besës së gjàs e të çobânit, por atij, prej shpis së të cillit duelen, e me shpi të tyne bjen në gjak dorërasit si mbas kanûnit.

§.884. Po preku kush tufen e gjàs në mal e rider caqet e shenjueme, cubi bjen në ndeshkime e giobë të permenduna, pse e preu në besë të gjàs e të çobânit.

§.885. Dorzânët e besës së gjàs e të çobânit, jânë Flamurtarët, Krenët e Djelimnija e Flamurve të lidhun në kët besë.

Oroe:

Mbas tregimeve, qi diftohenprej popullit të Malevet të Shqypnis (mbi të cillat tash falsim në rreshtim të tregimeve të ndryshme), dãn kjartas sè "Besa e gjàs e e çobânit" àsht shum e vjeter, e sè do të jët kënë mbajtë para sè kà fillue me vjellë flakë grykëholla (pushka).

Vende-vende edhè sot mbahet besa e gjàs e e çobânit; si bj.fj.nder Malet e Gjakovës: Nikai, Mertuer, Gash, Krasniqe e njeti. Nder Malet e Dukagjinit: Shalë, Shosh, Kir, Gjaj, Plan e Toplanë; nder Malet e Pukës, të Mirditës, të Thkellës, të Malsis së Lezhes e kah Kurbini, edhèpse sot nuk mbahet mâ kjo dorë bese, permbas tregimevet, qi na kãn diftue Pleqt e këtyne vendeve, heret edhè këto krahuina i kà pase pershi besa e gjàs e e çobânit.

NYE I NJIQINDENJIZETEKATERT.

Gjaku.

§.886. Në kanû të Malevet të Shqypnis gjithsa djelm të lein, njehen të mirë e nuk veçohen njani prei tjetrit.

§.887. Çmimi i jetës së nierit àsht nji, si per të mirin si edhè per të keqin.

§.888. Seicilli mbahet i mirë edhè i thotë vedit: "Jam burrë" e i thonë: "A jë burrë!"

§.889. Me kënë veçim gjaqesh, kanûja nuk kishte dieit me i a gjetë vangun pünës prej pleqnish e pëgjesh në peshim të të mirit e të keqit, tuj kënë sè seicilli mbahet rrumbull katerqind derhëm n'okë të vet.

§.890. Me pasë lânë shtegun e veçimit të gjaqevet, të keqin per dukë e per fisniki-firukun kishin me e vrà edhè pà pünë, ishin shtue vrasët, 'si mos të kishte dalë kush me lypë arsye per vrasë të të keqit e të firukut.

§.891. Prandei "Gjaqet i là Leka si njanja: del i miri prej të keqit e i keqi prej të mirit". -Shpirt per shpirt, 'sè duken e falë Zoti".

§.892. Kush të vras nierin prà, kje burre a grue, djalë a cucë a edhë fërishte djepi, i mirë a sherntim per dukë, krye, plak a sterplak, i pasë a i pà-pasë, fisnik a firuk, ndeshkimi àsht nji doret: per vrasë të mashkullit 6 qese, 100 desh e gjysë kau giobë.

§.893. Kush të shitojë nierin, çmiml, i permendun ne 892 pergjysmohet si per mashkull si per femen.

§.894. "E shituemia shkon mbas kerçikut, a si t'i a prejë mjeku" (Çmimin e mjekimit si t'a prejë mjeku).

§.895. Pajtimi i gjakut a i varrës, qi bahet me krenë e djelm, nuk kà tjetër per posë 6 qese per gjak e 3 qese per varrë. Pajtimi i gjakut a i varrës, qi bahet me ndermjetsi të dashamirvet, permbi 6 a 3 qese lypin edhë të prishunat e mjekimevet.

§.896. Të ramt në gjak, po u bâ vrasa në katund, dorëراسي me mashkullim të shpis edhë ferishte djepi në kjoftë do të bahen e do të dalin prej katundit e do të shkojn nder miq, per me i u shmangë rrezikut të vrasës.

§.897. Me grani të dorëراسي slà pùnë shpija e të vramit, sepsë "Grueja e Prifti nuk biejn në gjak".

NYE I NJIQINDENJIZETEPESËT.
"Gjaku shkon per gisht".

§.898. Në kanû të veter të Malevet të Shqypnis vetem dorëراسي bijte në gjak, ase aj, i cilli tëhiqte, shkreppte e shprazte pushken a çdo armë kundra nierit.

§.899. Shpija e të, vramit nuk mujte me ndjekë as me vrà tjetërkend prej vllazensh, nipash a kushrijsh të gjaksorit, pos gishtit - dorëراسي -.

§.900. Kanûja e vonshme pershin mashkullimin e shpis së dorëراسي mjë në ferishte djepi, kushrinin e nipat e ngiatë, edhëpse të damë, por per 24 orë, në valë të gjakut , e mbas 24 orësh do t'u qitte dorzânë shpija e të vramit

NYE I NJIQINDENJIZEGJASHTËT.
"Gjaku per gjak me mbetë".

§.901. Kur të vrasë shoqi shoqin dy vetët, qi u fjalisen, e biejn të dy dekun, jesin krye i per krey, ase gjak per giak.

§.902. Shpijat e të vramvet nuk mûnd të shtyhen në fjalë, as nuk mûnd të lypin shperblime lagjja lagies. - Do të dorzaniten mbas kanûnit.

§.903. Po mbet niani i vràm e tjetri i shituem, atbotë i shituemi do t'i a kthejë tepricen e çmimit të gjakut të vramit.

§.904. Po m'a vrau kush tëm vllà un u çova edhë e gjuejta nji të shpis së dorëراسي, tuj e shitue nji herë e mjë në njizet herë, së mbramit drodha pushken edhë e vrava të vllan e këtij a mun dorëراسin e t'ëm vllà, të gjitha varrët do të

pleqnohen e do të lahen, e i vrami jët krye per krye me t'ëm vllà të vrâm.

§.905. Po vrava atê, qi paçë shitue njizet herë, varrët hupin, e jesin gjak per gjak me të vramin.

§.906. Po qita mbë kend edhè vetem e gervishta në krye, i kam 3 qese per varrë.

§.907. Po i rashë kambës i kam 750 grosh.

§.908. E shituemja në bréz e perpjetë kà 3 qese, në bréz e teposhtë kà 750 grosh.

NYE I NJIQINDENJIZETESHTATËT.

“Gjaku per faj nuk jet”.

§.909. Çdo faj, qi fi bajë Shqyptari Shqyptarit, tager kà me e mundue me pleq e me pëgje, porsé nuk münd t'a vrasë, 'sè "Gjaku per fâj nuk jët".

§.910. Po më shau kush, e un e vrava, i a kam giakun.

§.911. Po erdh kush me m'i dhânë zjarré shpis, a ksollës, a tbanit, un e prita edhè e vrava, i karn giakun,

§.912. Po erdh kush me të vjedhë, edhè e shef tuj t'a zhberthye deren, e vrave, i ké giakun.

§.913. Erdh kush me t'a dliрэ vathin, e shef tuj t'a vû tufen e gjasé perpara, rrane me xjerrë gjânë tande e atij s'i lodhet mendja me t'a lshue, po e vrave, bjen në gjak.

§.914. T'u mbat kush a të rà, ti e vrave, bjen ne gjak.

§.915. Të hypi kush në qafé, edhèpse jânë dy duer per nji krye, po e vrave, i ké giakun.

Oroe:

914 e 915 peshohen mbas randsis së fajit.

NYE I NJIQINDENJIZETETETËT.

“Gjaku s'bahet giobë”.

§.916. "Gjaku gjak, gioba giobë, thotë kanûja".

§.917. Gjaku s'hupë kurr.

§.918. Në çdo faj me i rà shpis së dorër asit shpija e të vramit, do të gjygjohen e do të pleqnohen edhè me pëgje, ne e lypët nevoja; prose faji jët gjithherë faj, e shpija e të vramit do t'a perligjë Shpin e dorërasit, 'si t'a shofin me udhë pleqt.

§.919. Në çdo giobë me rà shpija e të vramit, gioben e làn giobë, porsé giakun s'münd ti ia hupin a giobë s'münd ti a bânj edhèpse shpi e ligë edhè e lânun.

NYE I NJIQINDENJIZETENANDËT.

Gjaku per punë të ligë.

§.920. " Ata, qi kân shtat e dhunë bashkë, po u vran të dy në pûnë të keqe, shkojn gjak-hupës".

§.921. Parimi "Gjaku per faj s'jët", në dhunim të gravet e bjerrë fuqin e vet.

§.922. "Mikun e prêm, armët e gruen e dhunueme, kanûja s'i perket."

§.923. I marruemi e e marruernja vetem atbotë shkoin gjak-hupës, kûr të vriten në pûnë e në mndyrë të keqe e me një pushkë.

§.924. Prindja e të marruemve nuk mûnd t'i kerkojn per gjak por do t'i apin dorërasit fishekun e prishun me "Të lumët dora"!

§.925. Do të qesin dorzânë, sè gjaqet e të marruemve nuk do t'i kerkojn perjetë.

§.926. Po i kjau zêmra prîndes sè të vramve, sè dorëراسي nuk i kà vrà në pûnë të dhunshme, gjygii i shenjon bën mbas kanûnit.

§.927. Po e là Porota mbrendë, dorëراسي jët në dy gjaqe e në giobë mbas kanûnit.

§.928. Po pshtoi njana lagje pà u vrà edhè hiku, dorëراسي, qi i gjet në pûnë të keqe, nuk mûnd t'a vrasë mbrapa, 'sè bjen në gjak, e lagje sè vrame gjakun do t'i a lajë.

§.929. Po duelen me marre grue e vajzë a cucë, e po pshtuen pà u vrà - hiken - në dhë të largët, ata i leçitë Flamuri per jetë.

§.930. Po u hetue aj, qi i koriti edhè i vûn rrethin si këtij si edhè të marruemeve, fisi, katundi e Flamuri i grin të dy, tuj jau bâ gjakun giobë.

§.931. Grueja e vëjë a cucë, qi delshîn me marre, do të digjeshin per sè gjalli në grumbull të plehit. - Ase i vejshin ndermjet dy turrave drush të ndezuna e a i bajshin me kallxue simahorin, a i leishin të shkrihen per mnderë ndermjet dy zjarmesh. - Me kênë sè mbriishin me i a xjerrë fjalën sè cilli e koriti, atbotë i vejshin rrethin edhè simahorit, edhè i grijshin bashkë.

NYE I NJIQINDETRIDHETËT.

Vrasa pa hiri.

§.932. Vrasa pà hiri nuk e kà të ndjekmen me pushkë. - Dorëراسي làn gjakun e dorzanitet.

§.933. N'at gjak të xet dorëراسي do te largohet e te rrjë mshefët mjé qi të mirret vesht puna mire.

§.934. Hin gjindja e urtë e, 'si të vertetohen sè pernjimend kie pà hiri vrasa, qi u bâ, dorëراسي làn çmimin e gjakut edhè dorzanitet.

§.935. Me vrà kush - edhè pà hiri -gruen me shtat xânë, posë 3 qesevet të gjakut të grues, i a presin edhè barrés 3 qese.

§.936. Po u perpush dorëyasi per 3 qese te barres, kanûja e ep me çilë të vramen, per me pà pale a pat djalë a vajzë.

§.937. Po pat djalë, dorëyasi do të lajë 3 qese per gjak të grues e 6 qese per gjak të dialit: po pat vajzë, posë 3 qesevet të grues së vrame, do të lajë edhe 3 qese të vajzës.

§.938. Vrasa pà hiri nuk kà giobë.

NYE I NJIQINDETRIDHETEPARË.

Vrasë me dorzani.

§.939. Me bâ me u ngatrrue nder vedi shpija e dorerasit e shpija e të vramit mbas gjakut të pajtuem, dorzanvet u duhet me hî në flakë e nuk do të bâjn qi t'u dhunohet êmni e dorzanija.

§.940. Po krisi pushka ndermjet tyne, Dorzânët do të kerkojn mikun e prêm prej lagjes, qi nisi pushken. "Gjaku shkon per gjak".

NYE I NJIQINDETRIDHETEDYTË.

Pushka ndjekë gjaksin.

§.941. Pushka e nisun kà giobë". -"Pushka e parë kà giobë".

§.942. "E shkrepnja kà giobë".

§.943. Po u fjalisen dy vetë e njani e dredhë pushken mbë tietrin e e shkrepë, por s'i ndezë, po s'u vran n'at valë, i pari, qi shkrepë pushken, bjen në ndeshkim të giobës.

§.944. Po e shkrepë i pari pushken e nuk i ndezi, i dyti i ndej gati edhe e vrau, ky bjen në gjak, por jo në ndeshkim të giobës, sè "Pushka e mbrame nuk jët me të paren".

§.945. Me shkrepë pushka pà hiri, i zoti i pushkës bien në gjak, po vrau a shitoi kend.

§.946. Po hîni kush në shpi të kuej e, porsà t'a vjerrë pushken në krrabë, i kputet rrypi, shkrepë pushka edhe vret ndonji të shpis a kedo, i zoti i pushkës bien në gjak.

§.947. Po e là miku pushken të ngrefët edhe shkrepë e vrau kend, i zoti i pushkës bien në gjak.

§.948. Po e vûer miku pushken në krrabë e kjo u thye e rà pushka në tokë, shkrepë edhe vrau kend, i zoti i krrabës bien në gjak.

§.949. Kuji e krraba jânë vû per të vjerrun të pushkvet, prà i zoti i krrabës a i kujit do t'u vete menden e mos t'i lete t'u brejshin prej krijet.

§.950. Po u vrà kush e mbet dekun në ni i krah e në tjetrin u shituen dy vetë,

jesin gjak per gjak- nji gjak, dy varrë.

§.951. Po vrau kush gruen me shtat xânë. kanûja e ep qi të çilet e po, pat djalë, dorëراس, posë giakut të grues, do të lajë 6 qese per giak të djalit; po pat cucë, do të lajë 3 qese per fmi e 3 qese per t'âmen.

§.952. Pushka e shtëme per mik të prêm të lshon në gjak, por jo në giobë.

§.953. Pushka e shtëme per grue a cucë të dhunueme s'kà as gjak as giobë.

§.954. Pushka e shtëme per armë të marruna, bien në gjak, por jo në giobë.

§.955. Pushka, qi vret pà hiri, kà gjakun gjak, por s'kà giobë as të ndjekmen.

§.956. Pushka e shkrepun mbë kedo kà giobë.

§.957. Per çdo vrasë: 6 qese per gjak, 100 desh e 1 kà giobë Flamurit e 500 grosh derës së Giomarkut t'Oroshit (per Mirditë).

NYE I NJIQINDETRIDHETETRETË.

Kush vret vendin, shkon gjak-hups.

§.958. Po vrau kush vedin, gjaku i shkon hupës.

§.959. Shpija e vetvrasti bjen në globë, 'sè giobitë vedin me të bjerrun të njij njerit e me të prishunat e drekvet.

§.960. Po vrau i vllai të vilan, gjakhupës shkon, porsé gioben e Flamurit do t'a bâjn si mbas kanûnit.

§.961. Po vrau i biri t'an, s'e ndjekë kush, porsé i biri, dorëراس, grihet a prej fisit a edhë katundisht.

§.962. Me vrà i biri tâmen, bjen në gjak me prîndët e s'amës.

§.963. Me vrà i shoqi të shoqen, bjen në giak me prîndt e grues.

§.964. Me vrà e shoqja të shoin, prîndja e kësaj biejn në gjak. (Ka ndollë qi prindja e kà gri të bin, qi bate kët shemtim).

NYE I NJIQINDETRIDHETEKATERT.

Shkuesija e giakut.

§.965. Shkues i giakut thirret aj, i cilli perpiqet të shpija e të vramit, per me e pajtue dorëراسin.

§.966. Shkuesi i giakut, po i duel në krye pûnës, kà tager në kpuce.

§.967. Kpucët a opangat e shkuesit perbahen prej 500 groshësh.

§.968. Kpucët e shkuesit të giakut i lán shpija e dorerasit.

NYE I NJIQINDETRIDHETEPESËT.

Pajtimi i gjakut.

§.969. Pajtimi i gjakut bahet dy mndyrësh: a) me të himë të dashamirvet të shpis së të vramit e te Famullitarit b) me të dalun të Krenvet, të Derës së Gjomarkut e ë djelmvet të Flamurit. - Në két rasë per çdo vrasë Dera e Giomarkut t'Oroshit mirrte 500 grosh.

§.970. Në të dyja këto rasë dorëzanët e kanûnit janë të domosdoshem.

§.971. I zoti i gjakut, posë çmimit të caktuem per gjak, kà tager me lypë një hutë (martine) në krah të cillitdo, qi t'a ngulë synin e dorërasit është në detyrë me i a prû aty.

§.972. Pa u ndreqë puna e gjakut, pà hi Dorzânët e duhshem, pà u caktue vadet e të hollavet të gjakut, trevezat e bukës nuk shtrohen e buka nuk hahet.

NYE I NJIQINDETRIDHETEGJASHTËT.

Dorzanët e gjakut.

“Dorzânë e bastar nuk hin kush me pare”.

§.973. Dorzânët e gjakut i zgjedhë shpija e dorërasit.

§.974. Dorzânët e gjakut janë ata, qi hijn per me mbajtë larg çdo të persritun mnijet e ziarmit, qi kishte me muejtë me u ndezë ndermjet shpis së të vramit e dorërasit.

§.975. Dorzânët e gjakut, 'si të hijn një herë, nuk dalin mâ.

§.976. Dorzânët e gjakut kân tager me i mbajtë në fre ata, per të cillt kân hî, e, po nuk vjeften kshillet e qortimet miqasore, kân tager me u a rrudhun pëjt edhe me kercnim, po luejten.

NYE I NJIQINDETRIDHETESHTATËT.

Dorzanët e të hollave të gjakut.

§.977. Dorzânët e të hollavet të gjakut i zgjedhë shpija e të vramit.

§.978. Vadet e të hollavet të gjakut i caktojn Pleqt e burrat e urtë, qi ndollen aty.

§.979. Vadja e caktueme e të hollavet të gjakut as shtyhet, as luhet.

§.980. Me bâ me dalë mendësh dorërasit e me nisë me lueit me Dorzânët e të hollavet të gjakut e me i sjellë me sot-nesër, do t'i a çojë të zot't të gjakut të hollat në vade të caktueme e detyrsin e qesin në katund, i cilli do t'a ngushtojë lasin e keq me i u pergjegjë detyrës e, po e lypî arsyeja, mûnd t'a giobisin.

§.981. Të hollat e gjakut do t'i epen shpis së të vramit nper dorë të dorzanvet e jo kurr drejt-per-drejt prej dorërasit.

NYE I NJIQINDETRIDHETETETËT.

Buka e gjakut.

§.982. Buka e gjakut është ajo, kurrë ndërmjetit e pajtimit të gjakut me disa prej gjinjët, shokësh e dashamirësh të zot't të glakut t'i shkoin në derë dorërasit për pajtim të gjakut e të hajn buken e gjakut të pajtuem.

NYE I NJIQINDETRIDHETENANDËT.
Kryqi në derë.

§.983. Kanû është, 'si të vëhet për fije pajtimi i gjakut e, 'si të bahet buka, të hijn Dorzânët si të gjakut si edhe të të hollavet e të bahet kryqi në derë të dorërasit prej të zot't të gjakut.

§.984. Kryqi në derë është shëji i gjakut të pajtuem.

§.985. Kryqi xieret në gurr të prakut t'eper të derës së shpis a nder pregjet e krahvet të derës.

§.986. Kryqin në derë do t'a xjerrin dora e të zot't të glakut.

§.987. Hekurin - sqeparin -, me të cillin u xuer kryqi, kanû është me e hjedhë mbi pullaz të shpis së dorërasit.

NYE I NJIQINDEKATERDHETËT.
Vllaznimi (Me pi gjak).

§.988. Si t'u pajtohen zemrat shpijavet të dorërasit e shpis së të vrranit. Pijn gjakun e shoqi-shoqit.

§.989. Marrin dv gota të vogla, i mbushin pergyimsash me ujë a me raki, çohet ndoqii prej dashamirësh e u lidhë dy gishta të vogjel, i shpojn me gjylpanë, tuj bân me lshue ka' një pikë veçmas nder dy gota.

§.990. Mbasi t'a perziejn gjakun ase, mbasi t'a tundin mirë, i shndrojn gotat, me me duer kryqzue, i a kojn shoqi-shoqit, tui e pî gjakun e njani-tjetrit. - Nder njiml pergzime qesin pushkë e bahen si vllazen te ri njëj nânet e babet.

L I B R I I N J I M B D H E T Ë T

KANUNI I PLEQNIS

NYE I NJIQINDEKATERDHETEPARË.
Tagri e detyra e Pleqvet.

§.991. Plaku i pengut nuk mund t'i lypë të falmet e të premet e kanûs, pà e ndreqë pûnen.

§.992. Pleqt janë a të parët e vllaznive a Krenët e fiseve, zyra e të cillvet është e pshtetun në themel të tagrit kanûnar.

§.993. Pa këta nuk mund të bahet ndo'i kanûn i ri e as kurrnji gjygj a pleqni, qi do të pershijë a një vllazni, a një fis, a edhe një katund e Flamur.

§.994. Pleq thirren edhë burrat më za per urti e qi janë regjë nder gjygje e pleqni.

§.995. Per pûnë të veçanta e per të kapme të posaçta, edhë të permendunt mûnd të mirren per pleq pëgjesh e gjygii i bam prej 'tyne është i njoftun prej kanûnit, mjaft qi të pleqnojn mbas këtëj.

§.996. Pleqt e Kanûs kân tager me shmangë çdo rragë e kercnim damesh e vrasët, kû me urti, kû me fuqi bashkë me katund e nder kercnime të randa fôrt do të lypin krahin e Krenvet e të djelmvet të Flamurit, per të pruin ne mend të dalunin mendësh.

§.997. Pleqt kân tager me mbledhë katudnin, kûr mos të due kush me i ndëjë gjygit të folun mbas kanûnit e pà krahambajtje.

§.998. Per pleqni të vogla do të mirren Pleqt në katund permbas vllaznijet e fisit.

§.999. Pleqt e mârrun per me bâ ndo'i pleqni, aty e n'at hov, qi t'u apin zabuken të fjalisunt, tager kân me bâ gjygj e me e çue deri në mbarim.

§.1000. Jo veç Pleqt ase Krenët e Kanûnit kân két tager, por edhë Pleqt e çashtjevet të veçanta, 'si t'i ketë zgjedhë kush per pleq, kân tagrin e permendun.

§.1001. Si t'u epet Pleqvet në dorë pengu i pelqimit, edhë ne u pendojshin të fjalisurit, nuk mûnd t'u a stermarrin pengun, as nuk mûnd t'i ndrrojn ata Pleq.

§.1002. Parimi i kanûnit është: "Plak mbi Plak, gjygi mbi gjygj e bé mbi bé kanûja nuk bân

§.1003. Pûnët e randa, qi e vrugnojn nderen e katundit a të Flamurit, do të peshohen prej Pleqvet të katundit e prej Krenvet të Flamurit.

§.1004. Pleqt e Krenët e Flamurit nuk mûnd të kpusin kurrnji gjygi e nuk mûnd të giobisin kend në katund, pà i pasë me vedi Pleqt e Strapleqt e katundit, në të cillin gjindet fajtori.

§.1005. Po ndolli sè duel mendsh një katund mârre me gjith Pleq e Vogjli, atbotë ngrehen Krenët e Flamurit me Pleq e Strapleq vllaznish e fisesh e me gjith Vogjli ede e bien ne mend katundin e dalun dore.

§.1006. Po u çue ndoi katund per me u ngrefë luftë Krenvet, Pleqvet. Strapleqvet e Vögjlis së Flamurit, rien të cillin gjindet, atbotë do të bahet me dieje Dera e Gjomarkut, në zâ të së cillës do të çohen edhë Flamurt tjerë e nen prijë të kësaj Dere do të msyhet katundi i dalun dore. edhë e bien në mend me ndeshkime giobësh, nie të xjerrun prej vendit, a edhë me grime katundisht, në pasët bâ kush ndo'i fâj per të grim.

§.1007. Sjelljet e ndeshkimet e permenduna i veshen edhë një i Flamuri. kûr të dalë dore, me ndryshim qi Flamuri marë nuk mûnd të xieret prej vendit, porsë leçitet prei Flamursh tjerë mjë qi të shtrojë pengun.

§.1008. Kanûnet. qi vën një katund me Pleq e Vogjli per vedi bj.fi. per hjeksi, pabesni, per vrasë a cubni, as Flamuri e as Dera e Glomarkut nuk mûnd t'u a

luej, mjaft qi mos të trillohen pûnë te reja, qi të jenë kundra vendimevet jetike të kanûnit të Malevet.

§.1009. Nder gjygje e pleqni, qi i perkasin katundit mârrë a njij Flamuri, Pleq të veçanët nuk kân tager me mârrë neper dorë. - Këto do të peshohen pre.) Pleqvet e Krenvet të kanûs së Katundit e të Flamurit.

§.1010. Po rà në faj nji Plak katundi, do t'a lshojë pengun në dorë të Vogjlis.

§.1011. Po s'u gjegj me shtrûe pengun, Vogjlija thhret Krenët e Flamurit e zbashkut e bien n'arsye.

§.1012. Po rà në fâj kush i derës së Gjomarkut, gjygjin do t'i a bâjn Krenët e Vogjlija e të glith Flamurvet.

§.1013. Po rà në fâj ndonji prej Flamurtarësh, do të peshohet prej Krenvet e Vogjlis; e Kreu i Flamurit në faj do të peshohet prej Flamurtarit, Krenvet tjerë të Flamurit e prej Vogjllje.

§.1014. Edhepsé Plak, a Krye, a i Derës së Giomarkut, pengun do t'a lshojë në dorë të Pleqvet e të Vogjlis, po bani kush vâj mbë 'të.

§.1015. Pleqt do të bâjn gjygj pà krahambajtje e pà u thye prej nendoresh a të folmesh prej njanit a tietrit.

§.1016. Po u hetue ndo'i Plak sè e bani gjygjin me krahambajtje e kundra kanûnit, veç pse i thymen prei mendoreve t'anës kundershlarë, posë faqes së zezë, s'e mërr kush mâ per Plak.

NYE I NJIQINDEKATERDHETEDYTË.

Pegjet.

§.1017. "Pengu i lshuem nuk mirret mâ".

§.1018. Pengu âsht nii shêj i landët, qi epet në dorë të Pleqvet gjygtarë me tager qi të bâjii gjygj mbi ankimet e dy kundershhtarvet.

§.1019. Pengu thhret "Pengu i pelqimit a i zabukës".qi don me thànë sè, tuj e dhânë pengun në dorë të Pleqvet gjygtarë, këta gjinden gati me i ndêjë gjygjit e pleqnis.

§.1020. Pleqnlja e gjygji bam pà pêgje,faqe kanûnit s'kâ vjeftje.

§.1021. Para sè të fillohet gjygji, pêgjet do të jenë në dorë të Pleqvet, e të kapunt në padi, pose qi nuk mûnd të luejn mâ, ata lidhen edhë me là opangat, ase Pleqnin e preme prej kanûnit.

§.1022. Per peng xêhet arma, fisheku, ortari a edhë kutija e duhânlt, mjé qi të biejn pêgjet, qi t'i parasohen vjeftjes, per të cillen kapen.

§.1023. Nder pleqni ankimesh, zhgarkimesh a shplfjesh flala e gojës nuk pelqehet per peng, duhet shêji.

§.1024. Fjala peng jët vetem atbotë, kùr t'i flasë kush kuej kaq e kaq, per n'i a ndreqët nj i pûnë.

§.1025. Po i a ndreqi pûnen, të folmen i a kà dptyrë burrit të huei.

§.1026. Po ngulen Pleqt e pegjevet njani ne mende të vet e tjetri në të ve'n, do t'u siellen Pleqve tjerë, porsé per të prishuna nuk mùnd t'u randohen të fjalisunvet (të zotvet të pegievet).

§.1027. Opangat e Pleqvet do t'i lajn të zotët e pëgjeve, sà njani aq tjetri.

§.1028. Opangat e Pleqvet lahen jo mbas andjes së Pleqvet, por mbas randsis së pleqnis: "Mbas pengut shkoji opangat". - "Mbas gjajet shkojn opangat".

§.1029. Pleqnija e njij paradites kà pësë grosh. - (heret nuk baheshin pleqnit mbasdite.)

§.1030. Per pleqni të dâme me "gùr", të kapunt do të lajshin kà 10 grosh per pleqni.

§.1031. Para sè t'i a hijn gjygjit Pleqt, do të bâjn két bé: Per két të mirë të Perendis (mbi një shëj Besimi) e si e bajsha mue më ndimofët, gjygjin nuk do t'a baj me dredhi e me krahambajtje e, një ké të m'a marrë mendja e shpirti, nuk do Vi baj lak kanûnit e gjygjit të drejtë!

§.1032. Jashta katundit nuk kà tager kush me gjetë Pleq.

§.1033. Po duel kush me lypë Pleq në Flamur, nen të cillin gjindet, do të marrë per Plak një prej Krenësh e jo prej Voglijet.

NYE I NJIQINDEKATERDHETETRETË.

Shtim Pleqsh.

§.1034. "Gjygi mbi gjyg" e Plak mbi Plak kanûja nuk bân ".

§.1035 "Në mos të pelqefët gjygji, tek a'Sh.Pali". - "Në mos të pelqefët gjygji, tek a'Gryka e Oroshit". - Dera e Gjomarkut themeli i kanûs".

§.1036. Po i a dorzove pengun Plakut, e ky t'a bani gjygjin, s'ké pse lypë mâ Plak e gjygi.

§.1037. Po s't'a mbushi menden gjygji i Pleqvet, qi ti i zgodhe e i pelqeve, tager ské me e stermarrun pengun t'and as me zgiedhë Pleq tjerë.

§.1038. Po u vojt mendja të zotve të pëgjeve, sè u âsht bâ gjygji pa' rrugë e me krahambajtje, kân tager mos me i ndëjë pleqnis.

§.1039. Pleqt e parë nuk lshojn pëgjet, porsé këta janë në detyrë me dliurë vedin, tui jau lshue pëgjet e veta në dorë Pleqvet të dytë të zgledhun prej sish, e mbasi të jau shtrojn gjygjin e bam, do të peshohet prei Pleqvet të dytë.

§.1040. Po e bân të keq gjygjin e Pleqvet të parë, këta të dytët u mârriin pëgjet të fjalಿಸunvet e, posë qi jesin pa' opanga, këta do të lajn opangat e Pleqvet të dytë.

§.1041. Pleqt mûnd të stohen mjé në tri lagje: po s'e kputen gjygjin, atbotë do të hijn nder krenë deri në Derë të Gjomarkut, qi âsht therneli kanûs. Pertej kësaj Dere s'ka.

§.1042. Po duel i mirë gjygji i Pleqvet të pare, pëgjet e para do të lajn dy lagje opangash: Pleqvet të parë e të dytvet.

§.1043. Po ndollen gjygje a pleqni të randa, zhvillimi do të lypet në derë të Gjomarkut.

NYE I NJIQINDEKATERDHETEKATERT.

Porota.

§.1044. Porotë a Poronikë me gojë të kanûnit thirren ata nierz të cillt shenjohen me gisht prej gjygjit, per me bâ bé e nie xjerrë së keq ndokend.

§.1045. Poronikë do të jenë asish:

- a) qi mos të jenë gjetë në bé të rrëjshme,
- b) qi mos të kënë ndo'i mllef as kundra lagjes, qi bân bé, as kundra asaj qi veshtron bën,
- c) qi mos të jenë gjind Iloftaré. qi vierrin shpirtin në krrabë per një mullë bukë.
- d) qi, némose me hamende mû nd të diejn ndo'i pûnë, a mûnd t'a hetojn mâ lehtas:
- e) s'do të jenë gra, 'sè kanûja s'i xën.
- f) qi mos të jenë të betuem e mnisa.

§.1046. Peregjithsisht beja pà Porotë s'bahet.

§.1047. Parimi i kanûnit âsht: "Beja kà Poroten, Porota kà mundin nder hetime e të lidhmen".

§.1048. Prifti s'çohet në bé; por, me qillue sè i lypet beja, si per me là vedin, si edhë per Poronikë, ky xêhet per 24 vetë.

§.1049. Nji krye i Flamurit, po u thirr në një bé 24 vetësh, 12 i a nief gjygji e per 12 të panjefun âsht vetë.

§.1050. Aj, qi u prîn Poronikvet në bé, nuk njifet per Poronik. Parimi i kanûs âsht: "Njiqind Poronikë por i zoti s'njifet".

§.1051. Porota nuk shkon në bé, pà i u lidhë i zoti i bés".

§.1052. Aj, qi prîn bés, do t'i lidhet Porotës, qi, po duel beja e rrëjshme, të lajë gioben e Kishës per dhunim të bés se rrëjshme, gioben e Flamurit a të katundit, si mbas numrit të Poronikvet e dypernjahen të zot't.

§.1053. Gjygji do të niefin per Poronikë gjind prej vllaznijet e prej katundit t'atij, qi do t'i prijë bés.

§.1054. I zoti i bés do t'u shkojë Poronikvet të niefun per derë, per me i bâ me dieje se gjygji i kà niefé per betarë.

§.1055. Poronikët e panjehun, qi i gjen vetë i zoti i bés, ne gjygj e para Pleqvet do t'i kallxojé emen per emen, si i kallxuen atij të njeftunt.

§.1056. Edhè Paronikvet të paniefun do t'u shkojë per derë i zoti i bés per me u kallxue, sè i kà zgjedhë per betarë.

§.1057. Gjymnsen e Poronikvet i njehtë gjygji, e gjymnsen tjetër i gjen i zoti i bés.

§.1058. Pleqt, mbasi t'a njeftin Poroten, do t'i thonë të zot't të bés qi, per ne pasët dyshim prej ndonjanit nder Poronikë të niefun, sè kishte me e lânë lidhë prej ndo'i reset a mlfetit, të kallxojë aty.

§.1059. I zoti i bés, si të diftojë arsye të themelta per niânin a tjetrin nder Poronikë të njeftun, Pleqt e gjygjit jânë në detyrë me i ndrrue.

§. 1060. Ndrrim Poronikësh mûnd të bahet mjé në tre vetë, por jo mâ.

§. 1061. Dita e bés i caktohet Porotës, e i zoti i bés âsht në detyrë me e mbledhë.

§. 1062. Porota, para sè të shkojë në bé, do të perpiqet me bâ hetime kû të mundet, me e shqyrtue të zon e bés, qi mos të shkojë në bé të rrêjshme.

§.1063. Porota kà tager me bâ hetimet e veta e, po kje çeshtja e padis teper e rigatrrueshme, kà tager me e shty bën mjé në gjashtë muej, tuj vijue nder hetime.

§. 1064. Per ngatrrime të randa fôrt e qi kapin hapët, Porota kà tager me e shty bën, edhè me vjetë.

§. 1065. Si të két bâ hetimet e veta' Porota e, si t'i két hullë fjalët haj per me e lirue me bé të shpifunin, haj me e lânë lidhë, s'kà pse shtrydhet, a njanen a tjetren do t'i a kallxojë të zot't të bés.

§.1066. Edhè nji nder Poronikë, 'si mos të ndigjojë me e bâ bën, i zoti i bés jét lidhë.

§.1067. Kanû âsht, qi nji Poronik a edhè mâ, qi nuk don me bâ bé, do t'i a shndoshë zêmren të zot't të bés, edhè me bé, ne e lypët, sè nuk e lajn lidhë prej ndo'i mlfetit a mnijet, por vetern prej' drojet e dyshimit të mos shkoin në bé të rrêjshme.

§.1068." Po hângri bukë Porota, bën e kà të bame".

§.1069. Po u mblodh Porota, edhè hângri buken e bés, i zoti i bés del i pafai; Porotes s'i jét tjetër veç me shkue në bé.

§.1070. Po e là buken pà hângër Porota,

i zoti i bés jét në faj.

§.1071. Po s'u gjegj zhgarkuesi me ardhë në ditë të caktuerne, per me pà bën, i shpifuni mundet me fjetë në qetsi, sè me bukë të hângërme prej Porotet, ajo duel i pafaj.

§.1072. Porota do t'i thotë zhgarkuesit a të vîjë me pà bën, a të qesë kapucarín.

§.1073. Zhgarkuesi, edhè ne u perpëshët ndo'i ditë, së mbarmit, a do të shkojë me pà bën, a do të qesë kapucarín.

§.1074. Porota, per ne u mbledhët me bâ bën jashta ditës së caktueme, s'kà tjetër bukë, por shkon në bé e derdhet në pûnët të vet seicilli.

§. 1075. Në ditë, qi do të bahet beja, do të pranojn edhè Pleqt e gjygjit të bam.

§. 1076. Beja do të bahet me kët rend:

- a) prîn në bé i zoti, per me i a shndoshë zêmren Porotës,
- b) mbas këtij do të bâjn bé ata, qi e kân mâ afer me giak;
- c) mandej bâjn bé Paronikët e njefun prei gjygjit.
- d) së mbramit Poronikët e paniefun.

§.1077. Fjalët e bés do të shqyptohen pà ndrrim e sikursè i kà niefé e rreshtue gjygi i Pleqvet.

§.1078. Të gjithë sà Poronikë të jenë, do të bâjn bé, tui e pshtetun doren mbë shëj të besimit, perposë në falët a në jashtofët kend per nderë vetë i zoti gjàs.

Oroe:

Dukagjini, Malsija e Gjakovës e sà krahina tjera Poroten e njefin disà per "dorë bejet" në Kishë, e disà tjera e lajn per "me ndigiuë bën".

NYE I NJIQINDEKATERDHETEPESËT.

Kapucari.

§.1079. Kapucar thirret aj, i cilli difton fajin e ndokuej, si bj.fj. ndo'i viedhni të mshefne, a ndo'i vrasë të hupne permbas hetimeve, qi bân .

§.1080. Kapucari peregjithsisht nuk del faqe, a ndollë sè del edhè çiltas.

§.1081. Kapucari do të ketë kpucët e veta permbas të folmevet të zot't të gjàs se vjedhun a të gjakut të hupun.

§.1082. I zoti i gjàs së viedhun a i gjakut të hupun, para sè t'i flasë kpucë kapucarit, do të shkojë në katund të pandehunit do të mârre dy shokë të tij e bashkë me 'ta. do t'i shkojë të dera, per me lypë arsye prej tij.

§.1083. Si mos t'i vëhet kurrsesi i pandehuni, i zoti i gjàs do t'i kallxojë sè do të flasë kapucarín në shpinë të tij.

§.1084. Po i thà i pandehuni, sè âsht i lirë të flasë kapucari sà të duei po duel në fâj, kpucët e foluna kapucarit do t'i lajë ky.

§.1085. Po i foli kush kpucët kapucarit pà e bâ me dieje të pandehunin, edhè në dalët fajtuer ky, kpucët e foluna prei të zot't të gjàs pergjymsash do t'i lajn.

§.1086. Kpucët e kapucarit janë me dorë në bé, qi mos të randohet i pandehuni me teprime të foluna, edhè në dalët në fáj.

§.1087. Kanûni i pergjithët âsht, qi kpucët e kapucarit nuk mûnd të kalojn çmimin e gjàs së hupun.

§.1088. Gruen s'e xên kanûja per kapucar.

§.1089. Kapucarija e hershme me dorë në bé kishte 50 mié në 500 grosh.

§.1090. Kapucari i gjetun në rrênë do të late gjân e huej ne vend të cubit.
(Dukagjini)

NYE I NJIQINDEKATERDHETEGJASHTËT.
Pagesa e Kapuctarit.

§.1091. Kapucarlt i nepen kpucë:

- per gjak të hupun 1500 grosh
- vath, shpi et 1 të ihyem 500
- mushk 1000
- kâl 500
- oqiç 500
- kâ hullijet 400
- thi të mbajtun 500
- lopë të barrës 150
- gomar 150
- mzat 100
- dele e dhé 25 grosh
- viç të njomë 25
- thi 23
- edhe e kingj 10

§.1092. "Kapucari hjekë bën". Po duel kapucar nji burrë i'ndershem, beja nuk i epet të pandehunit, do t'apë arsye.

§.1093. "Kapucari xjerrë gjân e hupun". Si të tumiret kapucari prej Pritëtarvet, i pandehum jët në faj, e do t'i a kthejë gjân të zot't si mbas kanûnit.

NYE I NJIQINDEKATERDHETSHTATËT.
Pritëtarët e Kapuctarit.

§.1094. Pritëtarë ' janë ata, zyra e të cillvet âsht me bâ hetimet e dhunshme, tuj e rrethue kapucarin me të pvetuna të shpeshta, tuj a vû menden, mos po bân lak nder diftime e mos t'i zhgarkohet kuej.

§.1095. Pritëtarët do të jenë nierz të ndershem, t'urtë e veshtakë, e të rregjun nder shqyrtime e hetime.

§.1096. Pritëtarët do të jenë prej asish, qi gjygji i kà niefë per Poronikë.

§.1097. Si s'a'kanû, qi kapucari të dalë çiltas, ashtû kà tager kapucari me lypë me emen disà prej Poronikësh, të cillvet u xên besë mâ fôrt sè nuk e qesin.

§.1098. Parase të fillojn me bâ hetime, Pritëtarët do t'a vëjn në bé kapucarín, qi do të kallxojë drejt, pà krahambajtje e pà mllef.

§.1099. Mje në tri lagje Pritëtarësh mùnd t'a shqyrtojn kapucarín.

§.1100. Gjithsà herë të flasin Pritëtarët me kapucarín, msheftas do të flasin.

§.1101. Po thà kapucari, sè ajo gjâ e vjedhun âsht shitun, Pritëtarët do të dergojn gjin den per hetime.

§.1102. Po thà kapucari, sè gjaja e vjedhun âsht pré, Pritëtarët do të lypin një shëj prej tij, bj.fj. një copë lkurë, brynat, a ndonji gjymtyrë tjeter.

§.1103. Si të tumiren diftesat e kapucarit prej Pritëtarvet, mohimet e cubit a të gjaksit, edhëpse të rrëjshme, nuk mùnd t'i ndalin kush deri të beja: por Porota kà tager me i ndalë doren e mos me e lânë me shkue në bé të rrëjshme.

§.1104. Po duel kapucari i dyshuem faqe Pritëtarvet, tuj kênë ky në të drejtë, e duel edhë e kapi per krahi cubin a gjaksorin, kpucët i kà të preme 500 grosh mié në 1500 grosh.

§.1105. Pritëtarët do të bëjn bé mos me qitë kapucarín per të gjallë, posë sè në dashtë me dalë vetë

NYE I NJIQINDEKATERDHETETETËT.

Burrat e Malevet të Shqypnis në kuvend.

§.1106. Kuvendi âsht një bashkim fisit a fisesh me Krenë, Pleq, Sterpleq e Vogli a Djelmni të dheut, qi kanë qellim me rrahë ndonji çashtje a me lidhë ndonji besë.

§.1107. Kuvendet bahet pjesnisht a edhë pergjithsisht.

§.1108. Kuvende të pjesshme janë ato të katundeve, në të cillat mârriin pjesë Pleq, Sterpleq e Voglija e njëj katundi.

§.1109. Të pjesshme thirren edhë ato kuvende, në të cillat bashkohen të gjith Pleqt e Sterpelqt e Voglija e Fiseve të ndryshme qi sundohen prej njëj Kreut.

§.1110. Kuvende të pergjithshme janë ato, në të cillat bashkohen Pleq, Sterpleq, Vogli me Krenë e me Derë të Gjomarkut.

§.1111. Nder kuvende, gjygje e peshime mârriin pjesë:

- a) Dera e Gjomarkut t'Oroshit,
- b) Krenët e fisevet,
- c) Pleqt e fisevet e të katundevet,

- d) Sterpleqt e fiseve e të katundevet;
- e) Djelmnija e Voglija e të gjitha fisevet;
- f) Kasneca fisesh,
- g) Giobtarë.

NYE I NJIQINDEKATERDHETENANDËT.
Vende kuvendesh.

§.1112. bashkime kuvendesh mbahen a nder oborre Kishësh, a nder rrenime të vietra faltoresh, a në zemer të vendit.

1. Mirdita në Sh. Pal a në Grykë t'Oroshit.
2. Lura tu Kisha në katund të vjeter.
3. Thkella tu Kroni i Fikut në Perlatai.
4. Matia në Lis.
5. Malsija e Lezhes (Zhuba) në Molung, ké Dardha Kerbucë.
6. Dibra ?
7. Malsija e Krues në bendë.
8. Malsija e Tiranës në Martanesh.
9. Malsija e Elbasanit?
10. Laberila (Arbërija)?
11. Arbëniya në Larushk.
12. Kurbinu në Djerr të Selitës, në Laç Sebaste.
13. Luma në Bicaj.
14. Hasi?
15. Malsija e Gjakovës tu Vorret e Shalës.
16. Dukagjini në Koder të Shen Gjergjit (Shosh).
17. Puka tu Qyteti i Pukës.
18. Postripa në Qytet tu Xhamija (Drishte).
19. Mbishkodra tu Kisha e Brigjes Rapshë.
20. Kelmendi në Qafë të Berdeleci.
21. Capa (Zadrima) në Dajç.
- ?? Nikaj në Merteur tu Kisha e Nikajvet.
- ?? Merteur e Krasniqe tu Blini i kuvendit (Selimaj).

§.1113. Burrat e bashkuern në kuvend rriyn në gjymës rrethit: ashtû qi të mûnd të shofin shoqi shoqin e po u thirr kush. të két shteg per me u dukë nder Krenë e Pleq.

§.1114. Burrat e dheut në kuvend rriin t'armatisun.

§.1415. Sà te jené në kuvend burrat e dheut, s'kà tager kush i huej me u perzie nder 'ta.

§.1116. Nder gjygje e peshime Krenët e Pleqt rriyn në vedi e Voglija në vedi.

§.1117. Krenët e Pleqt rriyn në kuvend mbas prijjet e tagrit.

§.1118. Në kuvend, sà të flasë niani, t'jerët do të ndigiojn e të heshtin.

§.1119. Çashtjet e vogla e të kapmet, qi kà katundi shoq me shoq, Pleqt e katundit bashkë me Sterpleq e Vogli kan tager me i zhgarkue.

§.1120. Çashtjet e randa, qi i perkasin nji fisi mbarë, do të peshohen e do të pleqnohen prej Krenvet të fisit bashkë me Pleq, Sterpleq e Vogli.

§.1121. Çashtjet, qi i perkasin nji krahine marrë - ase shtetit, - do të peshohen nder kuvende të pergjithshme: "burrë per shpi".

§.1122. Fiala e randë nuk bahet në kuvend.

§.1123. Kanûja s'bân qi të shahet kush në kuvend, po bani kush kët pûnë, do të giobitet mjé në 5 desh.

§.1124. Po i thà kush kuej, se rréné ne kuvend, do të giobitet mjé në 500 grosh.

§.1125. Po i a shkrepri kush kuej armen në kuvend, shpija i digjet e siells i armës grihet kuvendisht e shkon gjakhupës.

NYE I NJIQINDEPESEËDHETËT.

Dera e Gjon Markut.

§.1126. Dera e Gjomarkut âsht themeli i kanûs.

§.1127. Xen kryet e vendit në çdo vend e kuvend.

§.1128. Nuk mûnd të leçitet.

§.1129. Nuk mûnd të sodumet.

§.1130. Nuk mûnd të xieret prej vendit.

§.1131. Pertei kësaj Dere s'kà vazhdim çashtjesh.

§.1132. Ka tager me mledhë krenë e Vogli në rasë të kuvendevet të pergjithshme.

§.1133. Sà herë t'a lypë nevoja kà tager me derdhë kasneca per të grishun të dheut "burrë per shpi" e me i mbledhë në Sh.Pal.

§.1134. Në çdo gjygj a pleqni kà tagrin e fjalës së kputne.

§.1135. Ka tager me sodumë e me xjerrë prei vendit.

§.1136. Ka tager me dnue per dekë: "kortarët janë të fisevet, kryet âsht të Gjomarkut".

§.1137. Ka tager me i a hjekë prijen a parin atii, qi të xéhet në hjeksi e tradhti të vendit. -Porse nuk mûnd t'i epet kuei jashta vllaznijet, tu kënë trashigim plangçuer-tagruer.

§.1138. Ka tager pjese në çdo giobë.

§.1139. Ka tager mbi 500 grosh per çdo vrasë.

§.1140. Para sè të dalë me krenë e Vogjli të fisevet, per zbatim të kanûnevet ndeshkimore, do t'a shtrojë pengun, e po u gjet në ndonji fâj, do të pergjegjet si mbas kanûnit.

§.1141. Do t'i vëhet giobës si çdo nenshtetas.

§.1142. Kur del per paitim të dheut, kà tager mbë "Razogj" (dy hae bukë).

§.1143. Po u lyp per Poronik cillido i kësaj Dere, xêhet per 12 të panjehun.

§.1144. Kur të dalë n'ushtri, kà tager prijë e urdhnimi.

§.1145. Per fajë, qi j'âne per une zjarmi, edhë kët Derë e perket lima (sà me bâ shêj).

NYE I NJIQINDEPESËDHETEPARË.

Krenët e fisevet.

§.1146. Krenët janë të parët e fiisevet.

§.1147. Krenët janë me plang.

§.1148. Sè i cilli krye kà tager mbi fis të vet: "Kortarët janë të fisevet, kryet âsht të Giornarkut".

§.1149. Nder gjygje e pleqni mbrenda i rrethit të njëj kreut, nuk mûnd t'i perzihen krenët e fisevet tjera.

§.1150. Kreu i fisit, bashkë me Pleq e Vogjli të vllaznive kà tager me mbajtë kuvende me lidhë besë, me bâ gjygie, me giobitë e me leçitë.

§.1151. Kreu i fisit nuk mûnd të paditet nder krenë të fisevet tjera e nuk mûnd t'a ngushtojë kush per gjygie e pleqni të bame.

§.1152. Kreu i fisit nuk mûnd të bajë vendime a pleqni mbi vendime të kanûnit.

§.1153. Po bani kush vâj mbë krenë, këta do të peshohen pre j Pleqvet e Vogjlis së vendit, a edhë prej Deret të Giomarkut.

§.1154. Kreu i njëj fisi s'kà tager me djegë, me sodumë, me gri, me xierrë prej vendit. Lypet Dera e Glomarkut me krenë e Vogjli të fisevet tjera.

§.1155. Per të giobitun e të leçitun të njëj kreu, mjaftojn Pleqt. Sterpleqt e Vogiliia e fisit.

§.1156. Me u çue kush prej Vogjljet e me vrà ndonji prej krenësh a Gjomarkajsh, bjen në gjak si per vrasë të çdo njerit.

§.1157. Kreu i fisit, si çdo njerl prej Vogjlljet, mûnd të giobtet, mûnd të digjet, mûnd të leçitet, mund të sodumet, mûnd të grihet é mûnd të xieret prej vendit.

§.1158. Kah pronet e pasunija, kje në fushë, në bjeshkë e në vrri, do të shikjohet

tagri plangçuer i sè të cillit.

§.1159. As dera e Glomarkut, as krenët e fisevet e as Pleqt e katundevet s'munden me pasë ndonji tager mbi gjâ e pasuni të tjervet.

§.1160. Voglija e fisevet s'i kâ detyrë as kreut e as Derës së Gjomarkut të dhetë e telozen.

Oroe:

Krenët (Flamurtarët) e Malsis së Glakovës: Nikaj, Mertuer, Gash e Krasniqe., kân tager mbi nii rend t'ujit (vadë) prej kujrijet, posë atij, qi kân si çdo shpi.

NYE I NJIQINDEPESËDHETEDYTË.

Pleqt e katundevet.

§.1161. Sè i cilli katund kâ Pleqt e fisit.

§.1162. Pleqt e katundit kân tager me mbledhë katundin në kuvend.

§.1163. Pleqt e katundit nuk kan tager me giobitë as me leçitë kend, pà pelqim të Sterpleqvet e të Vogjlis.

§.1164. Pleqt e katundit nuk perjashtohen prej zyrevet të katundit, as prej angarijet e prej

punve të perbashkta.

§.1165. Pleqt e katundit nuk perjashtohen prej ushtrijet.

§.1166. Me rà në faj Plaku i katundit, do t'u a shtrojé pengun Sterpleqvet e Vogjlis.

§.1167. Po i u randue katundi me Pleq ndonjij fisi, Plaku i të randuemit kâ tager me e mprojët edhë me krenë të fisevet tjera.

NYE I NJIQINDEPESËDHETETRETË.

Sterpleqt.

§.1168. Sterpleqt mbajn anen e Vogjlis.

§.1169. Sterpleqt kân tager me çue zanin, kùr të shofin sè po randohet Voglija me gjygje e pleqni kundra kanûnit.

§.1170. Sterpleqi bashkë me Vogjli a Djelmni fisesh jânë giobtarë.

NYE I NJIQINDEPESËDHETEKATERT.

Giobtarët.

§.1171. Giobtarë thirren ata, të cillt nemen të kuvendit mbarë reshten në vath të gjâs së të giobitunit, per të marrë aq krenë desh a qe si mbas të premes së gjygjit të krenvet, të Pleqvet, e të Vogjlis.

§.1172. I zoti i vathit nuk guxon me i ndalë giobtarët qi mos t'i hijn në vath.

§.1173. Po bani két pûnë, burrat e kuvendit dynden të gjithë edhë i brumbullaksohen në derë.

§.1174. Po bani sè bani flalë i zoti i gjâs, kân tager me i a shtue gioben.

§.1175. Giobtarët zgjedhin vetë desh e qe per giobë e i zoti i gjâs nuk mûnd t'i ndalin.

NYE I NJIQINDEPESEËDHETEPESËT.

Zani i vogjlis nder gjygje.

§.1176. Po s'i pelqej Voglija të dâmet e krenvet e të Pleqvet, kân tager mos me u ndej ënë 'to.

§.1177. Krenët e Pleqt do të vëhen rishtas në peshim të punvet.

§.1178. Po e tumiren gjygiin e krenvet e të Pleqvet Voglija, kanû âsht qi të bertasin njëj zani: "kamba e huej, kaptinat t'ona".

NYE I NJIQINDEPESEËDHETEGJASHTËT.

Leqija.

§.1179. Me leçitë, me gojë të kanûnit, don me thànë: me dà, me lânë mbas dore e me shkepë njëj shpi, tuj i a hiekun çdo tager, hir e nderë, si kah katundi, si kah Flamuri.

§.1180. Katundi kà tager me leçitë, por jo me xjerrë prej vendit.

§.1081. Kapucari do të két kpucët e veta permbas të folmevet të zot't të gjâs se vjedhun a të giakut të hupun.

§.1182. Me djegë, me sodumë e me gri s'kà tager as katundi pà flamur e as flamuri pà katund.

§.1183. Rasët per me leçitë kend jânë:

- a) Kur mos të duei kush me u lidhë me besë me katund a flamur,
- b) kûr të shes kush katundin e vet me hieksi e trathti,
- c) kûr t'i pervaret kush njëj gjygjit a vendimti të folun kuvendisht prej katundit a flamurit;
- d) kûr të bajë kush ndo'i faj të dhûnshem në katund, në flamur a jasht këtyne e mos t'i shtrohet gjygjit,
- e) per dhûnë të barne jashta katundit a flamurit, po s'u gjegj fajtori me shtrûe pengun në katund e në flamur të vet, këta hjekin dorë prej 'tij, tuj u a lânë shtegun të lirë gjithnjatyne, qi kjahen mbë'të të bájshka të duen me 'të.

§.1184. Po nguli katundi edhë i a ndali doren flamurit në të djegun a në të sodumun të njëj faqeziut, qi vrugnoi katundin a Flamurin me ndo'i dhûnë teper të shemtuerne, flamuri kà tager, a me leçitë at katund, a me mbledhë flamurt tjerë,

per me e prû në mend.

§.1185. Po e là veç me të leçitun, as merr e as nep me 'të, mié qi t'i shtrohet gjygit e giobës.

§.1186. Si t'i a shtrojë pengun flamuri katundi i pervarun, flamuri e giobitë mbas peshimit të fâjit.

§.1187. Shpin e fâjtorit e djegin, esodumin me bîmë e me dhé, e shkaktarin e fâjit të dhûnshem e grijn kuvendisht me gjakhupës e robët i a xjerrin prej vendit.

§.1188. Po kje mbrapshti teper e dhunshme e sherntueshme, posë të diegunit, të sodumit, të grimunit e të xjerrunit prej vendit, flamuri edhë Shpin i a pret.

§.1189. E premja e shpis âsht, kûr ti zhgulin gurët e kater skepeve të shpis per rrâzë, themelit. - Kjo bahet, mbasi të digjet shpija.

§.1190. E premja e shpis në kanû shenjon, sè gjindj a e asaj shpij e j ânë të xj errun prej vendit me lang e plang e pergjithmonë, e perkrah flamuri xêhen të dalun fare.

§.1191. Pasunija e tundshme u bahet giobë e e patundshmja do të jesë zmojle (djerr), per kullosë të flamurit.

§.1192. Me të leçitun nuk mundet kush i katundit me marre e me dhânë; e, po muer e dha kush, jét i leçitun edhë aj e bjen n'ato ndeshkime si i leçituni.

§.1193. Trajta e të leçitunit âsht njikjo: "Me dà kend per mort e per gjellë". - "Me leçitë kend per mort e per darsem e per uhàn e miellit".

NYE I NJIQINDEPESËDHETESHTATËT.

Zjarmi, të sodumt e të grimunt.

§.1194. Digjet, sodumet, grihet katundisht xieret prej vendit me lang e plang:

- a) aj, i cilli i shpifet në pûnë të randë a vên dorë a vret Priftin;
- b) kush vret mikun në besë, grihet, giobitet, digjet e xieret prej vendit;
- c) kush vret per fis, digjet, giobitet e xieret prej vendit
- d) kush vret mbas pajtimit të gjakut, digjet, giobitet e xieret prej vendit,
- e) kush vret "Vra e hup". digjet, giobitet e xieret prej vendit;
- f) kush vret gjaksin në besë të vet.. grihet, digjet, giobitet e xieret vendit,
- g) kush vret të kushrinin, per me u bâ i zoti i pasunis së tij, grihet, digjet, giobitet e xieret prej vendit,
- h) kush t'i lajë mbrendë fajtorët e Flamurit, digjet, giobitet e xjeret,
- i) aj fis, qi nuk prin mbë fajtorët, giobitet e leçitet.

§.1195. Po râ kush në ndonji këso fajesh, grihet katundisht, giobitet, digjet, pernët i prehen, kopshti e veshta i sodumen e xieret prej vendit me lang e plang.

§.1196. Per Prift të vràm gjaksi xieret prej vendit per gjithherë e per faje tiera, qi i permendem, xieret per 5-15 vjetë.

§.1197. Unen e zjarmit e spaten nuk mûnd t'i qesë kush në pûnë (as katundi, as Flamuri e as Dera e Gjomarkut) per posë doret të zot't të shpis, qi rà në faj.

§.1198. Dora e fajtorit do të bajë shêj në të djegun e në të sodumun, tuj i shqyptue flalët e dokshme: "I mârisha të ligat katundit e Flamurit".

§.1199. Po s'u gjegj ky me bâ shêj me zjarm e askush tjeter i shpis së fajtorit. Plaktu i fisit do t'i thotë ndokuej, qi e kâ fajtorin mâ ngiat e detyra e këtij âsht me mârre unen e spaten e me i pri katundit e Flamurit në rrênim, permbas të cilit katundi e Flamuri marë do të vëjë dorë n'at rrênirn.

Oroe

E djegmja e shpis per çdo vrasë nuk kâ kênë: kjo pûnë kâ hi në veprim vonë. - Qeverija tyrke e qiti ne veprim e kasnecija e sa shpijave të forta, me të zi qi e priti kêt pûnë. - E kerkuemja e giakut prej shpis së dorërasit marë nuk kâ kênë; kêt e dishmon edhë fjala e kanûnit "Giaku per gisht": por, per me mârre gjakun mâ letas, e pershin mashkullimin e shpis marë deri të damët zjarmit n'ato 24 orë. Vende-vende qiten në pûnë edhë "LEÇIN" e gjakut, tuj pershi vllaznin marë. Per çdo vrasë shpija e dorërasit do të late giobë, do t'u epte bukë djelmve e Flamurit e në Mirditë do të late dorërasit 500 grosh Derës së Gjomarkut. Lakmimi i pares i disâ krenve e djelmve të Flamurit në shoqni të Pleqvet i shtuem edhë i rriten disâ pûnë, sà per me mbushë kuletën e mullen.

NYE I NJIQINDEPESËDHETETETËT.

Lajmtari.

§.1200. "Lajmtari nuk bân faj, nuk xêhet.

§.1201. Lajrntar thirret aj, i cilli çon ne vend porosin e derguesit.

§.1202. Lajrntari dergohet:

- a) pre' n» shpije të veçanët të tietra;
- b) prei nj ii katundi të tjetri,
- c) prej niij flamuri të tjetri.

§.1203. Lajmtari bân flalen e niij shpije, të njiu katundi a të niij flamuri.

§.1204. Lajmtari nuk e mërri pergjegjen mbi vedi as të lagja, qi e dargon, as të lagia, së cillës i dergohet; âsht bajsi i fjalvet të porosituna.

§.1205. Lajrntari do të jêt i lirë n'udhë të vet.

§.1206. Lajmtarit nuk i xêhet per faj flala e folun, sepsë flet n'emen t'atij, qi e dargon.

§.1207. Lajmtari âsht miku i derguesit e, po e gjet gjâ sà të jêt në kêt zyre, i pritët mik derguesit.

§.1208. Me u pré lajmtari i niij shpije, pretari bien në gjak me shpi, qi e dargon.

§.1209. Me u pré lajmtari i njij katundi, pretari bjen në gjak me katund.

§.1210. Me u pré lajmtari i njij flamuri, pretari bien në gjak me flamur, qi e dergon.

§.1211. Me u pré lajmtari permbas fjalës së njij flamurit tjeter, bien në glak flamuri me flamur.

§.1212. Me e pré laimtarin nji 1 katundit të tij, pretari grihet katundisht.

NYE I NJIQINDEPESËDHETENANDËT.

Kasneci.

§.1213. Kasnec a i lajm thirret aj, i cilli hapë e lajmon urdhnat e Kretu të fisit a per derë, a prej njij patalokut të caktuem prej Kreut, prej Pleqsis e prej Vogjljet.

§.1214. Zyra e kasnecis është plangçore e trashiguese.

§.1215. Kasneci i fisit do t'i a derdhë zanin e ftimit marrë fisit prej Patalokut të caktuem.

§.1216. Kasnecat e katundevet do të shkojn per derë, kùr të lypen "burrë per shpi".

§.1217. Në çdo rrezik a kerçnim kasneci do të gjindet gati me i dhënë "kushtrim" fisit.

§.1218. Kasneci me gjithë shpi është i perjashtëm prej ushtrijet.

§.1219. Kasneci 'nuk mûnd t'u mnjanohet punvet e zyrevet të perbashkta të katundit të vet.

§.1220. Edhë në ndollët Kasneci i xânun nder zyre të fisit a të katundit, gjindja e shpis së tij do të dalin në pûnë të katundit.

LIBRI I D Y M B D H E T Ë T

S H L I R I M E E P E R J A S H T I M E

KRYE I NJIZETËTETRETË.

Pjestarët e perjashtimevet.

KRYE I NJIZETËTEKATERT.

Deka.

§.1221. Kanûni i Malevet të Shqypnis shliron e perjashton: I. Kishen:

- a) prej çdo teloznet,
- b) prej dhetimit të tokvet e të gjâs sëgjallë;
- c) prej giobet e çdo ndeshkimit,
- d) prej çdo angarije kah katundi e flamuri,
- e) e bân pjestar në çdo giobë,

f) ndoren e ndermjetsin i a ruen.

§.1222. - II. Priftin, i cilli:

- a) është jashtëm prej ushtrijs,
- b) po u lyp në bé, vehtëja e tij xëhet per 24 Poronikë,
- c) po vrau kend, s'ndiqet per giak, prîndja e tij biejn në gjak,
- d) s'ndjekë kend per gjak të prîndës.

§.1223. - III. Krenët e Flamurit:

Po u lyp per Poronik nii nder Pleq të mdhaj, vehtëja e tij xëhet per 12 Poronikë të paniefun.

§.1224. - IV. Kasnecat: Jashtohen prei ushtrijs.

§.1225. - V. Farketarët: Jashtolien prej ushtrîjs.

§.1226. - VI. Të vorfnin - djalë të vetem, qi i kà mbetë mbi krye shpija e e âma -: është i jashtëm pre ushtrijs.

§.1227. - VII. Gruen: mos-pelqimi i saj kah kanûjâ:

- a) per Plak,
- b) per Kapucar,
- c) per Poronik, as beja s'i gjegjet,
- d) s'kà za as vend në kuvend,
- e) s'kà trashigim as të prîndja as të burri,
- f) nuk ndiqet per gjak;
- h) ndermjetsija s'i dhunohet.

§.1228. - VIII. Virgjinat (femnat, qi veshen si burrë): S'veçohen prei grash tjera, posë qi jânë të liar me ndëjë nder burra, porsé pà tager zanit e kuvendit.

§.1229. - IX. Deken:

Ata, qi kàn deken në shpi, jashtoehn prej çdo pûne si kah katundi si kah flamuri, si edhë kah të reshunt e ujit të mullijvet. Ket tager e kàn prej kanûnit per nji javë ditë rresht. - Si të mbushet java, do tu pergjegien detyrvet si kah katundi si kah Flamuri, edhë në kjofët krye a Dera e Giomarkut.

§.1230. Kanûni i Malevet nuk bân qi t'i shkactohet kuej trazim mbi trazim.

§.1231. Kur t'i desë kush nji shpije në katund, per nji javë ditë rresht - mbas deket - nuk mûnd t'i bzajë kush të dera per kurrnji pûnë, qi t'a ketë vendi me e bâ katundisht.

§.1232. Jaslitohet me gjith giinden e shpis prej çdo angarijs si kah katundi, si kah flamuri, si edhë prej vijash t'arve e të mullinit.

§.1233. Po desht kush me pritë per "krye shndosh" perte javen, të presë: porsé krye tetë ditësh kanûja i a don pûritorin me kënë edhë i Derës së Gjomarkut.

- §.1234. Si të des kush, do të dergohen lajmtarët, per me thirrë ne mort.
- §.1235. Tu bâ gjâmë burrnimi, grrishten edhè tundin krahnorin.
- §.1236. Grat vaitoin, por nuk grrishten.
- §.1237. Porsa të vëjn kamben në katund të të dekunit miqt, do të vëjn në krye jakzat e gjurdijavet.
- §.1238. Kanû âsht me bâ gjâmë mbë të dekunin tri herësh. tuj persritun fjalen "I mjeri unë!" nandë herësh.
- §.1239. Burrnimi nuk bertasin mbë gra, por po i biri mbë t'âmen e i vllai nbë të motren.
- §.1240. Kur të niset kush per me shktie në mort, nuk thotë "Lamtumirë", as i thotë kush "Udha e marë".
- §.1241. Tuj kalue rrâzë vorresh, pûntorvet, qi çilin vorrin, nuk u thohet "puna e mbarë!"
- §.1242. Në kjoshin miq, u shndoshin kryet, kjenë shokë, u thonë: "a u lodhët, or juni?"
- §.1243. Si shokët e katundit të të dekunit, si miqsija, 'si të pijn kafen, kupzen e pshtesin në tokë, tuj thànë: "Zoti ju dhashët gajret!" - 'Per të mirë" nuk thohet.
- §.1244. Të treten ditë mbas deket, kushdo qi të vjê,lë per "Krye shndosh" si mbas kafjet, si edhè mbas buket thotë: "Zoti ju dhashët gajret! Per të mirë mbas sodit!" - Nuk thohet: "Ju shtrofët per të mirë!"
- §.1245. Gjâmatarët rreshtohen, tuj perba gjymës rrethit me ftyrë kah i dekuni.
- §.1246. "Perejellsat me të dekmin nuk mûnd t'i kaloin kuej per derë, posë në kjofët udha e madhe a udhë katundi".
- §.1247. Tuj dredhue prej vorresh, s'do të ndalet kush n'udhë, por do të shkoië fill në shpi të të dekunit.
- §.1248. Si të mbrijn n'oborr, u dalin perpara shokët e shpis së të dekunit, u mbajn armët, u qesin ujë duervet pà hi në shpi e u prijn kë treveza, per me hânger Dreکہ.
- §.1249. Pa krye së hângermit të gjith, nuk do të ngrehet kush prej buke.
- §.1250. Si të çohen prej buke, do të dalin jashtë të gjithë e lain duert para derës së shpis në sheکہ, e cilla do të gjindet plotë me ujë.
- §.1251. Miqt, qi grishten ftyre në dekë të mikut nuk do t'i lain faqet e pergjakuna as në shpi, as në katund të të dekunit e as per udhë, por ,si të mbrijn në shpi të vet.

§.1252. Zija per të dekun të shpis (per burrnim, por jo per gra.) do të mbahet një vjetë.

§.1253. Per fmi nuk mbahet zija.

§.1254. Zija hiqet a per ndo'i të kreme, qi lutet me miq, a per ndo'i ditë të motmotit.

§.1255. Në drekë do të gatuej bukë grueja e vëjë.

§.1256. Grueja me burrë nuk munda të gatuej në drekë, as me qitë ujë duervet, as me qitë raki e as bukë me thye.

§.1257. Po ju desht grues me burrë të gjall me gatue në drekë, në darsëm nuk munda të gatuej.

§.1258. Grueja e vëjë nuk munda të gatuej në darsëm, as nuk munda të qesë ujë duervet, as raki, as me thye bukë, as me veshë e me iu afrue nuses.

§.1259. Me ardhë në shpi të prindes në pasi bija e martueme e me dekë aty n'at kohë, drekët do t'i bajë prindja. oë prishunat e drekvet do t'i bajë shpija e prindës e jo e burrit.

§.1260. Po u dha ndo'i ndimë shpija e mikut, kjo xëhet nderë në kanû, por jo detyrë.

§.1261. Me u çue prindja e me bajtë trupin e dekun të së bis së vet në shpi të burrit, katundi e giobitë per at siellje shnjerezimi.

§.1262. Në, rrios pasët me sè me shti në dhé të bin e vet prindja, vllaznija e fisi do t'i apin uhà.

§.1263. oë prishunat e uhat e drekvet do të lahen në krye të mojit, 'si të hîjë i dekuni në dhé, e nuk mund të shtyhen pertej.

Marrë nga www.kilikos.com